


KUTORA VIPATA VYA MURWANI

 Monire, waliyose. Ndipo ndakondwa kwizaso mlenji uwu pa kachisi, kuti tirombere wanthu warwari muhanyauno. Ichi ndi, nyengo zinandi, ise tikuyezga kwiza, pafupifupi chomene, na—na kurombera wanthu awo wakwiza kufuma ku malo ghakupambanapambana, kupukwa kuzakapempherereka.

Ndipo sono ise tiwenge kuti tikunyamuka nyengo yiriyose, sono, kuruta ku maungano gha mu California na Kumphaka za Kuzambwe. Ndipo nadi ise tikupempha malurombo ghinu, mwakuti Chiuta wa Kuchanya watilengere lusungu ise kwenekula ndipo watipe mauteweti ghakuru ise.

Nkhafika waka, mayiro, panji usiku wamara, mphanyiko, mwakuchedwa. Ndipo mayiro likaŵa limoza la... Enya, dazi kuseri kwa mayiro, na mayiro, likaŵa limoza la mazuŵa ghakuzirwa chomene gha umoyo wane. Kula, ine nkhumanya pafupifupi wanthu waŵiri, panji watatu, mu nyumba awo wakaŵa wakaboni za kwiza kwa Fumu, mayiro. Ndipo chikuru, chinthu chakuziziswa chikachitika, cheneicho ine ndirije nyengo mlenji uwu kuti ndimuphalireni imwe. Kweni panyake pa Sabata yikwiza mlenji, pambere ise tindarute, ine panyake ndizamkuŵa nayo nyengo, mu Uthenga, kuti—kuti ndimuphalireni imwe. Usange Fumu yizomerezenge, ine ndizamkuŵa kusika, kuti ndizakarombere warwari, pa Sabata mlenji. Ise panyake tikhumbenge kuti tizakanyamuke chapadera pa muhanya pakati, usange ntchamachitiko, kuruta ku ungoro wa ku San Jose mu San Jose, California. Ndipo usange imwe muli na wanthu wanyake kufupi, ku Mphaka za Kuzambwe kula, ndiko kuti, ise tikugomezga, panyake liwenge ora ilo ine nakhala nkholindizga, kwa nyengo yitali, kusingha mu utumiki wane. Ndipo kuli pafupi chomene, ine nkhanghanaghana kuti panyake kuchitikenge mayiro. Ndipo ine nkhangomezga kuti uwu uwengeko nkhanira nyengo yiriyose sono, ndipo uwu uwenge wakuruska chomene kujumpha chirichose icho ise tiri kuchiwonapo panji kupulika, kufika kulero. Sono, imwe kumbukirani, icho ndi NTHEURA WAKUTI YEHOVA. Mukuwona? Ndipo ntheura ise tikukhazga waka uwu, nyengo yiriyose.

Ndipo ise tiwenge na ungoro sono pa malo gha viwoneskero. Ine nkhangomezga uwo mbunenesko, ndi ntheura yayi, Gene? Pa malo gha viwoneskero pa San Jose, California. Ndipo uwu uzamkuŵa ungoro wa mazuŵa teni, kwambira pa 20, mpaka pa 29, pa—pa San Jose. Sono, mutikumbukirenge waka ise na kutiromberanga ise.

Sono ise pafupifupi tiri na, usange ise tifumenge nyengo yiweme, pafupifupi ora limoza na hafu sono, kuti ise

tiyambenge mauteŵeti ghithu gha kuromberanga ŵarwari na kupharazganga Mazgu. Ine ndasankha, mlenji uwu, gawo lichoko la Lemba, malo ghaŵiri mu Baibolo, kuti ndiyowoyepo.

Kweni pambere ise tindayowoye, tiyeni tisindamiske mitu yithu pa kanyengo waka, kuti tirombe.

² Chiuta wauchizi chomene, ise mwakujikhizga tikwiza ku chizumbe Chinu cha uchizi mlenji uwu, ngati ŵana ŵambura kwenerera, kweni tikwiza na chipulikano chambura kusakanikirana mwa Chiuta, icho chikaperekeka kwa ise na Mzimu Mutuŵa, na Kuŵapo Kwake kwa rutaruta na ise. Ndipo kwizira mwa phangano la Fumu Yesu, kuti usange ise tingiza mwakujikhizga na kuromba chirichose mu Zina Lake, ise mbwenu tipokerenge chakupempha chithu. Ipo, ise ntha tikulaŵiska kumanyuma pa vyakutiyenezga vithu, chifukwa ise tilije vyantheura, kweni ise tikulaŵiska kumanyuma ku vyakuyenezga vya Mphinjika, uko uchizi withu ukaperekeka kwa ise kwaulere na Mwana wa Chiuta. Ndipo ise tingawezgera kumanyuma yayi masozi agho ghangakhilira ku vigolomiro vithu, para ise tikughanaghana za ise, ŵanthu ŵambura kwenerera, na umo kuti mwa uchizi Wake kula pa Mphinjika Iyo wakatichitira ise, mwakuti ise tingamanya kusendezgekera kufupi chomene kwa Chiuta, nanga nkhuŵika ku ubale. Ndipo sono ise ndise ŵana ŵanarumi na ŵana ŵanakazi ŵa Iyo.

³ Ndipo ise tikwiza mlenji uwu, Fumu, pasi pa denga lichoko ili, kuti tijipatulire taŵene, na ku uteŵeti, kuvumburanga zakwananga zithu, na—na mu kusopa Kwauzimu. Ise tikugomezga kuti Imwe muŵenge nase ndipo mutipenge kulaŵiska kwamkati kwauzimu kwa kwiza Kwinu uko kuli pafupi, mwakuti ise tingamanya kunozgekereska mitima yithu dazi lililose kulindizganga chakuchitika chikuru chira icho takhala tikulindizga pa masauzandi gha virimika. Mu unenesko chilengedwe chose chikutampha, kuliranga kuti chisutulike. Ndipo mizimu yithu mkati mwithu, Fumu, rutaruta yikuzomerezga, kuti, “Ise ndise ŵamwenda nthowa na ŵalendo, ndipo apa ndi pa chikaya chithu yayi, kweni ise tikupenja Msumba uwo Mzengi na Wakuwupanga ndi Chiuta.” Ise tikulindizga nyengo yikuru yira kuti yifike.

⁴ Fumu, ise tiŵenge ŵakupwererera kuti maungano agha, para ise tikuwungana muno, ise tikurombera ŵana Ŵinu awo mbarwari na ŵakukomwa. Ndipo ise tikuromba kuti Imwe mukumanenge nase muhanyauno mu nthowa yapadera chomene, kuti muchizge maurwari ghose na matenda pakati pithu. Ndipo panyake kungaŵa kuti, Fumu, kuti phangano ili ilo ine nakhala waka nkhuwoyowapo kumanyuma, mu kukumana na Imwe kula mayiro, nkhanira para zuŵa likati lanjira, na umo kuti Imwe mukakhozgera ichi mwakuwerezga na kuwerezga. Ndipo ise tikuwona kuti ora liri pafupi chomene. Ndipo mphanyi ili languŵa dazi, Fumu, kuti ichi chichitike, kuti Imwe

musinthenge utumiki, Fumu, kufika ku chinyake icho chiwenge chauchizi chomene ku wanthu Wīnu.

⁵ Ndipo sono, Wādada Chiuta, ise ntha tiromberenge waka aŵa pera muno, kweni na awo wāli kutali mu charu, awo mbakusoŵerwa, wose ku uzimu na kuthupi. Perekani kwa iwo, O Fumu, kukhumba kwa mitima yawo, chifukwa wāna Wīnu wākusuzgikira mu mazuwā agha. Kunyekezgeka na murwani nkukuru chomene, kweni Imwe ndimwe wankhongono kuruska. Pakuti kuli kulembeka, “Mukuru ndi Iyo mweneuyo wali mwa imwe kuruska iyo mweneuyo wali mu charu.” Mwa ichi ise tikutonda. Yowoyani kwa ise kwizira mu Mazgu Ghinu ghakulembeka. Ndipo para ise tikuruta mlenji uwu, nkhuromba ise tiyowoye ngati ndi iwo awo wākafuma ku Emausi, “Kasi mitima yithu yagoleranga yayi mkati mwithu apo Iyo wayowoyanga kwa ise mu nthowa?” Ise tikurumba ichi mu Zina la Yesu, Uyo wakapereka phangano. Amen.

⁶ Ine nkhuwazga sono kufuma mu malo ghaŵiri mu Buku la Genesis. Ghamoza gha igho ghakusangika mu chipatulo 24, kwambira na vesi 56, ghakuwazgika ngati nthaura.

Ndipo iyo wakati kwa iwo, Kunikanizga yayi ine, kuwona kuti YEHOVA wati wandipe mwaŵi pa ulendo wane; ndizomerezgeni kuti ine ndirute kwa sekuru wane.

Ndipo iwo wakati, Ise timuchemenge msungwana, ndipo timufumbe wayowoye na mlomo wake.

Ndipo iwo wakamuchema Rebekah, ndipo wakati kwa iyo, Kasi iwe urutenge na mwanarumi uyu? Ndipo iyo wakati, ine ndirutenge.

Ndipo iwo wakamutuma Rebekah pamoza na wake munu- . . .munung'una wawo, na mlezi wake, na muteŵeti wa Abraham, . . .

Ndipo iwo wakamutumbika Rebekah, ndipo wakati kwa iyo, Iwe ndiwe mdumbu withu, ukaŵe mama wa masauzandi gha mamiliyoni, ndipo zomerezga mbewu yako yitore chipata cha iwo weneawo wakuwatinkha iwo.

⁷ Ndipo mu Genesis 22, vesi 15, ise tikuwazga.

Ndipo mungelo wa YEHOVA wakamuchema Abraham kufuma kuchanya nyengo yachiŵiri,

Ndipo wakati, Mwa inendekha ndalapizga, wakuti YEHOVA, chifukwa chakuti iwe wachita chinthu ichi, iwe ntha waka- . . .wakanilira mwana wako, mwana wako yekha pera:

Kuti mu kutumbika ine ndikutumbikenge iwe, ndipo mu kwandaniska ine ndiyandaniskenge mbewu yako ngati nyenyezi za . . .kuchanya, ndipo ngati

muchenga . . . mumphepete mwa nyanja; ndipo mbewu yako yizamkutora chipata cha murwani wake;

Ndipo mu mbewu yako mitundu yose ya charu chapasi yizamkutumbikika; chifukwa iwe wapulikira mazgu ghane.

⁸ Sono nkhuromba Fumu yisazgireko vitumbiko Vyake ku kuwazgika kwa Mazgu Ghake. Sono ine nkukhumba kuti nditore, usange uwu ungachemeka mutu, chisambizgo chane mlenji uwu, chakudankha, ndi, “Kuyezgekeru pa vipata vyakulayizgika.” Ndipo chisambizgo ndi: *Kutora Vipata Vya Murwani*.

⁹ Chiuta wakhala wakumuyezga sekuru, chifukwa Iyo wakamupa phangano iyo. Ndipo para Chiuta wapanga phangano, Iyo wakukhumba kuti wawoneseske kuti munthu uyu ngwakwenerera phangano, pambere Iyo wandakwaniriske icho Iyo wakayowoya panji icho Iyo wakulayizga. Ntheura Abraham wakalayizgika kuti kwizira mu mbewu yake charu chose chizamkutumbikika, kuti iyo wazamkuwa na mwana. Ndipo, mwana uyu, kufuma mwa iyo mukwenera kuti mufume Mbewu iyo yizamkutumbika charu chose. Ndipo Abraham, para phangano likati laperekeka kwa iyo, wakaŵa na virimika sevente-fayivi vyakubabika; ndipo Sara, muwoli wake, wakaŵa na virimika sikisite-fayivi vyakubabika. Kweni Baibolo likutiphalira ise kuti Abraham wakagwedezgeka yayi pa phangano la Chiuta, kwizira mu kuwura kugomezga, kweni wakaŵa wakukhora, kuperekanga marumbo kwa Chiuta. Ndipo Chiuta, nyengo na nyengo, wakamuyezga iyo, kweni iyo wakafika ku kuyezgeka kwaumaliro kula pambere thumbiko likaŵa lindachite.

¹⁰ Ndipo umo ndimo kuliri na Mbewu yose ya Abraham. Chiuta wakutipa ise kuyezgeka kwaumaliro kula pambere Iyo wandapereke phangano. Ndipo usange ichi chikaŵenge chamachitiko, ine nkukhumba kuti ndiyowoyepo chinyake apa, cha ndamwene, kweni ine ndichisungenge icho. Kuyezgeka kwaumaliro kula, kuti wawone umo imwe muchitirenge pa ichi. Ndipo para Iyo wakati wamupa Abraham chiyezgo ichi, Iyo wakasanga kuti Abraham wakaŵa waka muneneska umo iyo wakaŵira para iyo wakayambanga. Liŵenge thumbiko uli mlenji uwu usange ise taŵeneise tikutora phangano Lake la machirisko tingamanya kuyimilira waka ŵaneneska umo ise tikachitira para ise tikayimilira muno ndipo tikazomera ichi. Paliye kanthu kwali dokotala wakayowoya vichi, yimilirani waka muneneska.

¹¹ Ndipo para iyo wakati wachita ichi, ndipo nthu wakakanilira mwana wake yekha pera, kweni wakakhala pachoko kuti wanjizge chimayi mu chifuwa cha Isaac, kuti waparanye ukaboni wake. Iyo wakachitira ukaboni, palipose pa charu

chapasu chakumanyikwa icho iyo wakamanyananga nacho, kuti iyo wakati waŵenge na mwana uyu. Ndipo ntheura para mwana wakati wafika, iyo wakafumbika kuti wawerere kumanyuma nthowa yene yira, na kuti waparanye chigomezgo chekha pera icho iyo wakaŵa nacho kuti ukaboni wake ukwaniriskike. Ndipo para Chiuta wakati wawona kuti iyo wakaŵa wakugomezgeka ku chipulikano chira icho iyo wakaŵa nacho mwa Chiuta, Chiuta wakalaŵiska kufuma kuchanya ndipo Iyo wakati, “Ine ndalapizga mwa Ndamwene kuti Ine ndikutumbikenge iwe na kukwandaniska iwe, ndipo mbewu yako yizamkutora chipata cha murwani wake.” Phangano uli!

¹² Ndipo Rebekah, uyo wakati waŵenge nyinawo wa lakumanyikwa ili, wakulayizgika, mwana wakalindizgika, para iyo wakati wachemekera ku chiyezgo chaumaliro, cha mwanarumi wachilendo uyo iyo wakaŵa wandamuwonopo nakale. Kweni iyo wakawona waka kuteweta kwa Mzimu Mutuŵa. Ndipo para wapapi ŵake ŵakati ŵatondeka kupereka chigamuro chathunthu chakuti kwali iyo warute na mlendo uyu panji yayi, kuti wakaŵe muwoli wa mwanarumi uyo iyo wakaŵa wandamuwonopo, iyo wakafikiskika ku chiyezgo chaumaliro. “Ise timutorenge msungwana ndipo timufumbenge iyo kuti wayowoye. Ise tipulikenge kufuma ku mlomo wake kwali iyo wayowoyenge, enya panji yayi.”

¹³ Umo ndimo ichi chikwizira ku Mbewu yose ya Chiuta. Ukwenera kuti uŵe mlomo wako. Chiuta wakukhumba kuti wapulike kwa iwe.

¹⁴ Ntheura para iyo wakati wayezgeka, iyo nthu wakagongowa miniti pera. Iyo wakati, “Ine ndirutenge.” Ine nkchitemwa icho. Nthi, “Rekani ine ndighanaghane makora. Rekani ine ndichiwoneseske ichi mwakuwerezga.” Iyo wakakoserezgeka mwakukwanira. Awo ndi ŵanthu awo Chiuta wangamanya kuŵagwiriska ntchito, para iwe wakoserezgeka mwakukwanira kuti Chiuta wasungirirenge phangano Lake. Wakati, “Ine ndirutenge.”

¹⁵ Ndipo ŵanthu ŵake pamanyuma, ŵakaphakazgika chomene, panyake iwo ŵakamanya yayi ichi, kweni iwo ŵakachima apo iwo ŵakaŵika mawoko ghawo pa mdumbu wawo, na mwana wawo mwanakazi; wakutowa uyu, msungwana mwanichi wa Chiyuda, apo iwo ŵakamuŵika iyo pa ngamira ndipo ŵakamutuma iyo ku charu chachilendo, pakati pa ŵanthu ŵachilendo. Kweni pakaŵa Chinyake pa iwo. Iwo wakati, “Zomerezga mbewu yako yitore chipata cha murwani wawo. Ukaŵe nyinawo wa masauzandi gha mamiliyoni.”

¹⁶ Ndipo, muhanyauno, mtundu ula wa ŵanthu na ŵanthu ŵa Chiuta ŵambininiskika kufuma ku nyanja kufika ku nyanja, charu zingirizge. Mu chiwuka chira iwo ŵazamkuŵa ngati nyenyezi za Kuchanya, apo maungweru ghakuŵara ghara

ghakutora malo ghawo, apo iwo wakuporota mu mtambo. Ndipo para iwo wakwiza, iwo wazamkuwa ngati nyanja mumphepete a...panji michenga mumphepete mwa nyanja. Kuzamkuwa masauzandi gha mamiliyoni gha iwo.

¹⁷ “Mbewu yako yizamkutora chipata cha murwani wake.” Ilo ndi phangano lakulapizga la Chiuta, “Mbewu ya Abraham.”

Ntheura, mwa Mzimu Mutuwa Wake, pakuwona kuti mama wati waŵenge gawo la mwana, nayoso, chifukwa iwo ndi gawo la thupi. Ntheura, Mzimu Mutuwa kutewetanga kwizira mu wanthu aŵa, wakati, “Iyo...Zomerezga Mbewu yako yitore chipata cha murwani.” Ntheura, Chiuta kulapizganga kuti Iyo watorenge chipata cha murwani, ntheura kasi icho chikuwuŵika pa malo uli Mpingo wa Chiuta wamoyo?

¹⁸ Ise ndise Mbewu ya Abraham. Pakuti, ise, pakuwa wakufwa mwa Khristu, ise ndise, tikutora Mbewu ya Abraham ndipo ndise wahaliri pamoza na iyo, pasi pa phangano lenelira lakulapizga. Ise ndise Mbewu ya Abraham, ndipo ndise wahaliri wa phangano lirilose ilo likapika kwa iyo. Kweni para viyezgo vyafika, apo ndipo ise tikutondeka. Kweni ine ntha nkhuomezga kuti Mbewu yeneko ya Abraham yitondekenge. Iwo wayimilirenge waka mwachikanga na mwakugomezgeka umo Abraham wakachitira.

¹⁹ Sono ise tikuwona kuti Chiuta wangayowoya yayi chinyake panji—panji kupanga phangano lirilose pekhapekha Iyo wafiskenge ichi. Iyo wakwenera kuti wachite icho kuti waŵe Chiuta. Pakati pajumpha virimika, para wanthu weneŵara, wanthu waphangano, mbewu ya Abraham yikaŵa pa ulendo wawo, kuruta kukanjira mu—charu chaphangano, kukaŵa chipata icho chikayimirira, ndipo chikayimilira kwimikana na iyo, ndipo wakaŵa m'bale wake yekha, Moab, uyo wakati, “Imwe mujumphenge yayi mu charu chane. Ine ndiwoneseskenge kuti imwe mujumphenge yayi mu charu chane.”

²⁰ Iyo wakati, “Usange ng'ombe zithu zimyangurenge uteka winu panji usange izi zimwenge maji ghinu, ise timulipireninge imwe pa ichi.”

Kweni iyo wakati, “Imwe mujumphengemo yayi mu charu ichi.”

²¹ Kweni phangano la Chiuta likakhilirira linesska. Ntheura iwo wakaruta ndipo wakatora muprofeti wawo, Balaam, ndipo wakiza nayo kuti watembe wanthu. Ndipo apa pali icho iyo wakayowoya. Iwo wakayezga kumuwoneska iyo chigaŵa chakwanangika chomene cha mbewu yakutumbikika, kweni Chiuta wakamuwoneska iyo gawo liweme chomene la iyi. Iyo wakati, “Uyo yose watembenge Israel wati watembekenge, ndipo uyo yose wati wamutumbikenge wati watumbikikenge.” Ndipo mphiringizgo zikakhizgika ndipo Israel wakajumpha

vidikha. Chiuta wakalayizga kuti iyo wazamkutora chipata cha murwani wake.

²² Pamanyuma, mu virimika, kukiza yumoza wakumanyikwa na zina lakuti Daniel, uyo wakaŵa mu mzere wa Mbewu iyi Yaufumu, na mu mzere wa malayizgano, chifukwa iyo wakaŵa Mbewu ya Abraham. Ndipo Chiuta wakamusankha iyo pambere lufura la charu lindaŵeko, kuti wazamkuŵa muprofeti Wake, ndipo iyo wakakhala umoyo wachikanga ndipo iyo wakakhala umoyo wakugomezgeka. Ndipo nanga ndi mu charu chachilendo, iyo wakagamura mu mtima wake, “Ine nthā ndijikazuzgenge ndamwene pamoza na iwo.” Iyo ndi Mbewu yeneko ya Abraham; kukhalanga mu charu icho ndi chachilendo, kukhalanga pakati pa ŵanthu awo mbachilendo, kweni ndipouli ŵakungangamika ku phangano lira. “Ine nthā ndijikazuzgenge ndamwene pamoza na iwo. Ine ndikhalenge muneneska.”

²³ Chiuta wakamuyezga umo Iyo wakachitira kwa dada wake, Abraham. Ndipo fumu yikati, “Iwe panyake uŵenge ngati yumoza wa ise na kusopa umo ise tikusopera, panji ine ndikuponyenge iwe mu mphanji yakuzura na nk Haramu za njara.”

²⁴ Daniel, ngati Abraham dada wake, wakati, “Imwe mungamanya kundiponya ine mu mphanji ya nk Haramu, kweni ine nthā ndigwadirenge ku chirichose cha vikozgo vinu. Ine nthā nditorenge chisopo chinu chakujiŵikamo. Ine ndikhalenge muneneska kwa Yehova.”

²⁵ Ndipo kula kukiza bechu pamanyuma. Fumu yikasunga phangano lake ndipo yikamutora muprofeti, panji ŵakamutora iyo ndipo ŵakamuponya mu mphanji ya nk Haramu. Ndipo para nk Haramu, murwani wa Daniel, zikarotokera kwa muprofeti, Chiuta wakasunga phangano Lake. Iyo wakatora chipata cha murwani wake. Chiuta wakayimika Mungelo kula kunthazi ku nk Haramu zira, ndipo wapakoka chipata. Chiuta wakusunga phangano Lake. “Iyo wazamkutora chipata cha murwani wake.” Chiuta wakayowoya nthaura.

²⁶ Pamanyuma kukaŵa ŵanyake ŵatatu kusika kula awo ŵakapangana iwoŵene kuŵa ŵakugomezgeka ku mlimo, awo mu unenesko ŵakaŵa Mbewu ya Abraham, ndipo ŵara ŵakaŵa Shadreki na Misheki na Abedenigo, ndipo iwo ŵakayezgeka. Ndipo iwo ŵakati, “Usange imwe mukugwada yayi para imwe mukupulika kulira kwa viding’indi na kuchemerezga kwa mbata, usange imwe mukugwada yayi ku chisopo chithu, na kufumako ku vinthu vira ivyo imwe—mukugomezga! Ndipo mose mwazumbwa, munthowa yiriyose. Chisopo chinu ntchinyake yayi kuruska cha munyake waliyose.” Kasi ise tikuchipulika yayi icho nyengo zose? Kweni a—chisopo cha Yesu Khristu ndi chakulekana. Nkhongono ya chiwuka Chake

njakulekana. Ise ndise wanthu wapadera, wanthu wachilendo, usofi waufumu. Chiuta wakupanga mphambano.

²⁷ Kweni para iwo wakati, “Imwe mukwenera kuti muwe yumoza wa ise.” Chikati chiwenge makora waka na Shadreki na Misheki na Abedenigo usange iwo wakakhumbenge kuti wawe yumoza wa iwo, kweni iwo wakazomerezga yayi kuwa yumoza wa walendo. Sono, iwo wakati, “Usange imwe mukuchita yayi ichi, ise tiri na muryango kuwaro uku wakuruta ku ng’ango, uwo ise tingamanya kujura na kumuponyani imwe mu iyi, ndipo imwe mukhumbenge kuti nthena mwanguwa yumoza wa ise.”

²⁸ Iwo wakakumbuka phangano. Iwo wakarongozgera nkhanira ku ng’ango ya moto. Ndipo para iwo wakati wajura chijaro ndipo wawaponya iwo mu dimi, murwani wawo uyo nthena wawamyangura iwo, iwo wakatora vipata vya murwani wawo. Chiuta wakatumia Mwana Wake mu dimi lira la moto ndipo wakapozga chithukivu, ndi wakayowoyeska nawo apo iwo waka wa mkati mula. Phangano la Chiuta likakhalirira linesska. Iwo wakatora chipata cha murwani. Chakudankha wakayezgeka, pamanyuma iwo wakatora chipata cha murwani.

Kasi waka wa Yesu yayi Uyo wakapanga phangano? “Usange iwe ukwiziska chikhuwazgo nanga nkhw yumoza wa wachoko wachoko a wa, chikati chiwenge chiweme kwa iwe kuti libwe likakakika ku singo lako ndipo iwe uponyeke pasi pa nyanja. Ntha mungiziskanga nanga ndi chikhuwazgo ku wana wachoko wachoko a wa awo wakugomezga mwa Ine. Ndipo vimanyikwiro ivi viwarondezgenge weneawo wakugomezga mwa Ine.”

²⁹ Iyo wakapanga mphambano. Iyo wakapanga chiwoneskero cha awo wakagomezga na awo wakagomezga yayi.

Kula, nyengo zose, kuli magulu ghatatu gha wanthu, awo ndi: wambura kugomezga, wakujipangiska-kugomezga, na wakugomezga. Kweni Chiuta wali na nthowa ya kusimikizgira uyo ndi wakugomezga. Wakugomezga yura wakwima nganganga pa icho Chiuta wakuyowoya kuti ndi Unenesko. Enya.

³⁰ Waka wa Eliya, mu Tishibe, para ichi chikati chafika ku bechu, mpaka iyo wakaghanaghana kuti iyo waka wa yekha pera mu charu uyo wakakhaliranga umoyo Chiuta. Ndipo fumu yikati yimu wikenge iyo pa kuyezgeka. Ndipo iwo wakamuzikizga iyo. Ndipo muchoko yura, fumukazi yakujipenta, zina lake Yezebeli, yikatentheska umoyo wake. Ndipo para ichi chikati chafika ku bechu, Eliya wakatora vipata vya murwani wake ndipo wakang’anamulira mtundu wose kuwerera kwa Chiuta kamosaso. Chiuta wakusunga phangano Lake.

³¹ Waka wa Moses, pamanyuma pakuwa mu mzere wa Mbewu iyi yaufumu, Mbewu ya Abraham, kuti para iyo wakati watumika mu Egupto, kuti wakawombore wana wa Israel; ndipo Chiuta wakamupa iyo vimanyikwiro na vyakuziziswa

kuti wachite, na kuti watimbe charu chapasi, na kuti wiziske wachule, na mphanthi, na mdima, na matalara, na vura, na moto, ndipo wakachita minthondwe yose iyi. Kweni, para iyo wakati wa wafumiska iwo mwakurongozgeka na woko la Yehova, yikafika nyengo para iyo wakakumana na chipata pakatikati pa iyo na charu chaphangano. Paka wa Nyanja Yiswesi, mphiringizgo kujanda nthowa. Iwo wakajalirikira mkati na gulu lankhondo la Faro, mapiri, na vipalamba, na Nyanja Yiswesi. Kweni Moses wakasunthira panthazi ndipo wakatora chipata cha murwani wake, ndipo wakayambuka Nyanja Yiswesi, malo ghomizo, ngati iyo wakayendanga pa msewu wa fuvu. “Iyo wazamkutora chipata cha murwani.” Chiuta wakayowoya nthaura, ndipo icho mbwenu chakhazikika.

³² Vika wa virimika waka vichoko pamanyuma para viyezgo vikati vyafika, ndipo mpingo wose ukagwedezgeka, umo chiliri chipusu chomene ku gulu la wanthu kuti lichite para chinthu chinyake ntha chikuwoneka kuti chikuchitika umo ichi chikwenera kuchitikira. Chiuta wakupanga ichi mwantheura umo. Chiuta wakwiziska mikangano mu mpingo, “Mwana waliyose uyo wakwiza kwa Chiuta wakwenera kuti wayezgeke, na kusimikizgika, na kupimika.” Iyo wakuzomerezga urwari ukutimbe iwe. Iyo wakuzomerezga matenda ghafike pa iwe, kuti wakuyezge iwe na kukusimikizgira iwe, kuti wawoneske ku charu kuti iwe nadi ndiwe Mbewu ya Abraham. Iyo wakuzomerezga ichi mwa kukhumba Kwake Yekha. Iyo wakuzomerezga masoka. Iyo wakuzomerezga wabwezi kuti wakuwukire iwe. Iyo wakuzomerezga vinthu vyose ivi, ndipo wakumumasura devulu, kuti wakuyezge iwe. Ndipo iyo wachitenge vyose kupaturako kutora umoyo wako. Iyo wangamanya kukuponya iwe pa bedi la wakukomwa. Iyo wangamanya kupanga wazengezani wako kuti wakuwukire. Iyo wangapanga mpingo kuti ukuwukire iwe. Iyo wangachita pafupifupi chirichose, ndipo ndi khumbo la Chiuta kuti iyo wachite ichi. Ise tikusambizgika kuti ndi vyakuzirwa chomene kuruska golide, kwa ise.

³³ Mukuti uli za Abraham na Isaac, pa phiri, mweneuyo phangano likaperekekapo? Ndipo mwa kugomezgeka kwake na kumanya kwake, na chipulikano chake mwa Yehova, ndi kwizira mu icho, ndipo icho pera, kuti Chiuta wakala wiska pasi ndipo wakati, “Mbewu Yake yizamkutora vipata. Ine ndiri kulapizga mwa Ndamwene kuti Ine ndichitenge vinthu ivi.” Kuka wavye munyake mukuru uyo Iyo wakamanya kulapiramo, kweni Iyo wakarapizga mwa Iyomwene.

Ntheura, usange Iyo wakamuzomerezga Abraham wayezgeke kufika ku nyengo yaumaliro yira, Iyo wakwenera kuti wamuyezgeni imwe na ine kufika ku nyengo yaumaliro yira, nyengo yira ya chigamuro apo chirichose chiri kutali na iwe. Iwe ukwenera kuti uyimirire wekha kula. Aleluya! Ndicho ichi.

³⁴ Yimirira wekha. Fuma kuwaro kula ndipo yowoya, “Nangauli Iyo wangandikoma ine, kweni ine ndimugomezenge Iyo.” Iyo ndi Mbewu ya Abraham. Uyo ndi Mweneuyo wakupereka phangano. “Palije kanthu kwali wanyake wose wakuyowoya vichi, wanyake wose wakuchita; kwa ine na nyumba yane, ise timutumikirenge Chiuta.” Wakati, “Usange wanyake wose wakuti, ‘Kulije chirichose ku chakukuchitikira. Ndi gulu la wakutorekatoreka’; kwa ine na nyumba yane, ise timutumikirenge Chiuta.”

Ndipo ine nkhutemwa kuzomerezgana na Paulos nkhanira apa, na kuti, “Mu nthowa iyo yikuchemeka ‘yakugarukira’ nthoura ndimo ine nkhumusopera Chiuta wa wadada witu.”

“Nangauli wakubwetuka wangiza mu mpingo, nangauli mungaŵa wakutimbanizga, ndipo nangauli mungaŵa mitundu yose ya wapofeti watesi na chirichose chingiza mu mpingo pakati pa wanthu, na mu uzengezgani na chirichose; kweni kwa ine na nyumba yane, ise timutumikirenge Yehova. Nangauli iwo wose wangareka kwiza, ndipo nangauli mpingo ungafika pa kuzizima, wambura kupwererera; ine na nyumba yane, ise timutumikirenge Yehova. Nangauli usange munyake wakarombereka ndipo wakachira yayi; icho chirije chakuchita na ichi; kwa ine na nyumba yane, ise timutumikirenge Yehova.” Kuyezgeka na mayesero.

³⁵ Wanthu wangareka yayi kunangiska, kweni Chiuta ndiyo. Munthu, imwe muŵike malingaliro ghinu pa munthu, iyo wanangiskenge. Panyake ntha mwakuchita kukhumba, kweni iyo wachitenge ichi. Chiuta wakumuzomerezga iyo kuchita ichi mwakuti Iyo wangamanya kugwedezga chipulikano chinu kuti mureke kuchiŵika pa munthu. Chipulikano chithu ntha chiri mu vinjeru vya munthu, kweni mu nkhangono ya chiwuka cha Yesu Khristu. Apo ndipo Mbewu yeneko ya Abraham yikukhazika phangano lawo. Chifukwa, iwo wangamanya kuŵa Mbewu ya Abraham para iwo wapokera Mzimu Mutuŵa. Kwambura Mzimu Mutuŵa iwo ntha ndi Mbewu ya Abraham. Chipulikano chenechira icho chikaŵa mwa Abraham chikwiza mu wakugomezga. Palije kanthu kwali kuchitike vichi panji umo chiliri chakusuka, wakugomezga wakuruta ndithu kunthazi.

³⁶ Wazondi wakawerako ndipo wakati, “O, ndi—ndi uchindere kuti tiyezge. Palije chifukwa cha kurutirira, chifukwa wanthu wara ndi wataliŵatali chomene kusirya kula. Ndipo iwo wali na maboma ghakuru, ndipo iwo—iwo wali na mikondo, ndipo, chifukwa, ise tikuwoneka ngati viwala kulwandi kwa iwo.”

³⁷ Ine nkhumanya yayi, kweni ine ndine wakukoserezgeka kugomezga apa kuti Joshua wakaŵa waka kanthu kachoko chomene, muchoko waka chomene, munthu wakuchepa. Ine nkhumanya kumuwona iyo wakudukira muchanya, pa—pa mtundu unyake wa kabokosi, ndipo wakati, “Madoda na

ŵabale,” ku ŵanthu thu miliyoni, “ise ndise ŵakukwanira chomene kuti tingawatora iwo.” Mukuwona? Chifukwa? Yira yikaŵa Mbewu ya Abraham. Chiuta wakapereka phangano. Ghara ghakaŵa malo ghawo. Chiuta wakapereka phangano. Vilije kanthu kwali murwani wakaŵa njani, Mbewu yeneko ya Abraham yikati, “Ise tingamanya kutora ichi chifukwa Chiuta wakapereka ichi kwa ise.”

³⁸ Imwe mwayimirira apo mlenji uwu. Apo payimirira Mpingo wa Chiuta wamoyo. Ine nkhopwerera yayi icho munyake wakuyowoya, icho dokotala wakuyowoya, icho chinyake, icho wambura kugomezga wakuyowoya, ise ndise ŵankhongono kuruska kulinganizgika kulikose uko kukwiza. Ise ndise Mbewu ya Abraham, ndipo ise titorenge chipata cha murwani withu, palije kanthu kwali murwani ndinjani. Chiuta wakapereka phangano. Chira chikaŵa chawo, chiharo chawo.

³⁹ Machirisko ndi chiharo chinu. Chiponosko ndi chiharo chinu. Mzimu Mutuŵa ndi chiharo chinu. Ndipo kuli ŵakuruŵakuru, masauzandi gha ŵapharazgi na ŵanyake nthura mu charu muhanyauno, awo ŵakuti, “Icho chiri nthura yayi.” Kweni Mbewu ya Abraham yikumanya kuti ichi chiri nthura. Iwo ŵakunjira nkhanira mkati ndipo ŵakutora vipata vya murwani. Chiuta wakati iwo ŵazamkuchita. Iwo ŵakugomezga ichi chifukwa ili ndi phangano. “Mbewu Yake yizamkutora chipata cha murwani.” Sono imwe muyenderenge mu kuyezgeka, viyezgo.

⁴⁰ Ndipo Joshua wakayimirira apo, wakugomezgeka. Munthu muchoko wakati, “Ine nkhopwerera yayi ukuru umo iwo ŵaliri. Ine nkhopwerera yayi mtundu wa mkondo uwo iwo ŵali nawo, kwali misumba yawo yiri na viliŵa vitali uli, na ukuru umo ichi chiliri. Phangano lithu liripo, ndakuti, ‘Chipata chizamkutoreka na Mbewu ya ŵana ŵa Chiuta,’ ndipo ise tikuruta kukaŵatora iwo. Ise ndise ŵankhongono kuruska wakulinganizgika nawo.” O, iyo ndi Mbewu yeneko.

⁴¹ Ŵanandi ŵa iwo awo ŵakababika, mbewu ya kuthupi, ŵakati, “Ise tingachita yayi ichi. Palije phindu la kuyezga. Wonani, ise mbanandi mu chiŵerengero. Ise ndise ŵambura kumanyikwa; ise ndise chirichose.” Palije kanthu, iyo nthā . . . Iwo ŵakalaŵiskanga pa a . . . icho jiso likawona. Ndipo Joshua wakalaŵiskanga pa icho Chiuta wakayowoya.

⁴² Mbewu ya Abraham nthā yikulaŵiska ku chirichose cha vinthu vyakuthupi. Iwo ŵakulaŵiska ku icho Yehova wakayowoya. Ilo ndilo phangano. Uli usange Abraham wakalaŵiskenge ku vyakuthupi? Ku mwanakazi wa virimika handiredi vyakubabika . . . Nayinte, iyo wakaŵa. Ndipo iyo wakaŵa handiredi. Ndipo wakakhala nayo kufuma apo iyo wakaŵa msungwana muchoko, ndipo iyo wakaŵa mnyamata muchoko, ndipo ŵakaŵavye mbewu. Iyo wakalaŵiska pa vinthu

vira yayi. Iyo wakayowoya kuti iyo wakatora vinthu ivyo ngati kuti ivi vikaŵapo yayi, pakuti iyo wakalaŵiska waka ku icho Chiuta wakayowoya. “Ine ndikutumbikenge iwe, Abraham, ndipo Ine ndikupenge mbewu kwizira mwa Sara.” Ndipo iyo wakagomezga ichi. Imwe nthā mukulaŵiska ku wakususka. Ise tikulaŵiska pa icho Chiuta wakayowoya. Chiuta wakayowoya ichi, mbwenu icho chakhazikika.

⁴³ Ntheura pamanyuma para iyo wakati wafika kusika ku Jordan, para Joshua wakasankhika kuŵa chirongozgi mulara wa gulu lankhondo, ndipo iwo ŵakafika ku umaliro kweneko kwa maji ndipo ŵakamanyanga kulaŵiska kusirya na kumuwona Yeriko. Kweni, pakatikati pa iwo, para Joshua wakaŵa na gulu lake lankhondo lakunozgeka, kula kukaŵa chipata. Chipata chira chikachemeka Jordan.

Kweni phangano la Chiuta ndiweme pa chipata chirichose. Paliye kanthu kwali chipata ntchivichi, phangano la Chiuta ndiweme. “Iyo wazamkutora vipata vya murwani wake.” Icho chikukhazikiska ichi.

Para iyo wakafika ku Jordan mlenji ula, panyake, ine ndigomezgenge kuti devulu wakaŵa na mabingu ghakofya ghakalenderanga palipose, maji ghanandi ghamatope m-ghakakhiranga kusika, minda yikakokoroka na chigumura. O, yikaŵa nyengo uli yakuyezgeka! Kweni Joshua wakati, “Nozgekani, imwe muwonenge Uchindami wa Chiuta.” Ndipo iwo ŵakajituŵiska iwoŵene ndipo ŵakanozgeka, kunozgekeranga apo chirichose chikawoneka kuti chikaŵa chakususka. Kweni yira yikaŵa Mbewu ya Abraham, awo Chiuta wakaŵarapizgira, “Ine nditi ndimupenge chipata.” Iyo wakwiza ku Jordan, chira chikaŵa chipata chake, ndipo iyo wakatora ichi.

⁴⁴ Ghanyake gha milenji iyi ine nkhu yenera kuti ndizakafike ku chipata chaumaliro chira naneso. Imwe mukwenera kuti mukhirire ku Jordan, kweni Mbewu ya Abraham yizamkutora chipata. Paliye kanthu kwali ichi ntchivichi, iyo wazamkutora chipata cha murwani waliyose.

⁴⁵ Ŵanthu wose ŵara ŵakaŵa ŵanthu ŵakuruŵakuru. Iwo ŵakafwira mu mzere. Kweni, paumaliro, dazi limoza mu Betelehem wa Yudeya, Mbewu Yaufumu yikababika. Yeneiyo, zinyake zose zikaŵa waka mizgezge. Mbewu Yaufumu yikababika, nthā na mwanarumi. Kweni Iyo wakababika na mwali, na Nkhongono mu misempha Yake, kuti watonde nyifwa na gehena. Chiuta wakapanga phangano. Munthu wamba nthena wakachita yayi ichi. Kweni usange Chiuta wapanga phangano, Iyo ndi Chiuta waka mweneyura uyo Iyo wakaŵa maminiti ghachoko ghajumpha, na Abraham, Jehova-jireh, Jehova wati waperekenge nthowa kuti watore chipata. Kasi ise tichitenge uli ichi? Joshua wakafwa. Moses wakafwa. Ŵanyake

wose wakafwa. Kweni Chiuta wakati, “Iyo wazamkutora chipata cha murwani wake.” Kasi iyo watorenge uli nyifwa? Iyo wali nayo nthowa ya kachitiro ka vinthu. “Iyo wazamkutora chipata cha murwani wake.”

⁴⁶ Mbewu Yaufumu yikababika. Iyo wakayezgeka mu kawiro kalikose umo ise tiliri. Umo imwe mukwenera kuti muyezgeke, nthoura Iyo wakayezgeka. Mwaluwiro devulu wakamutora Iyo, para Iyo wakati wapokera Mzimu Mutuwa, wakanjira mu mapopa mazuwa fote na mausiku, kuti wakayezgeke. Ndipo para Iyo wakati wawerako . . . Ndipo pa nyifwa Yake, iwo wakakhoma mizumali mu woko Lake, ndipo wakamuthunyira mata ku maso Kwake. Iyo wakajumphu mu urwari uliwise. Kweni para Iyo wakaŵa pano pa charu chapasi, Iyo wakasimikizgira kuti Iyo wakamanya kutonda urwari. Para nyinawo wa muwoli wa Petros wakaŵa chigonere murwari, wakufwa viwaro, iyo wakakhwaska woko lake ndipo kuwotcha muthupi kukamureka iyo. Para wa vyoni wakachemerezga pa chipata, “Mukazuzi! Mukazuzi! Usange Imwe mukukhumba, Imwe mungamanya kundipanga ine wamusuma.”

⁴⁷ Iyo wakati, “Ine ndichitenge. Iwe khala wamusuma.” Iyo wakatonda ndipo wakatora chipata cha vyoni. Iyo wakatora chipata cha kotcha muthupi.

Iyo wakapanga chilengedwe chirichose chimupulikire Iyo. Iyo wakaŵa Mbewu ya Abraham, Mbewu Yaufumu, Yumoza mweneuyo wakapika phangano; kwa Iyo, Abraham na Mbewu zose izo zikamurondezga iyo, kufika ku Mbewu Yaufumu, na Mbewu zose pamanyuma pa Iyo. Phangano la Chiuta ndineneska. Iyo wakatonda urwari.

Iyo wakatonda kuyezgeka. Para murwani wakamuthunyira mata ku maso Kwake, wakatimba chiwangwa Chake cha thama, Iyo wkapereka lwandi linyake. Para iwo wakanyimphura mwembe ku maso Kwake na kumuthunyira mata Iyo, Iyo wakakalipa yayi. Iyo wakatonda chipata cha kuyezgeka ndipo wakatora ichi.

⁴⁸ Pamanyuma iwe ukuti, “Ukali wane undizomerezgenge yayi ine kuchita ichi.” Iwe, Mbewu ya Abraham, enya, bwana, Iyo wakakutondera uwu.

⁴⁹ Para Iyo wakakwiyiskika, Iyo wakawezgera yayi mukwiyo. Para Iyo wakaseŵereskeka, Iyo wakasungirira mtende Wake. Para Iyo wakachemeka chiwanda, Iyo wakasungirira mtende Wake. Iyo wakaŵa na chakuchita chimoza, ndipo yira ndi ntchito ya Wadada, ndipo Iyo wakaruta kuchitanga yira. Nthoura, paumaliro, iwo wakamutorera Iyo ku mphinjika. Nyifwa yikayenera kuti yikumane na Iyo. Wanyake wose wakatonda nyanja, ndipo iwo wakatonda chilengedwe, ndipo iwo wakatonda nkharumu, ndipo iwo wakatonda moto. Iwo wakatonda chirichose kupatulako nyifwa. Kweni apa pakaŵa

Yumoza wakatonda mu mongo Wake, misempha Yake, ndipo wakawa na Nkhongono yakutonda nyifwa. Ntheura iwo wakatora mawoko Ghake ndipo wakamutambazura Iyo ndipo wakamukhomera Iyo ku mphinjika. Iwo wakamutchaya Iyo ndipo wakamuvura Iyo mpaka viwangwa Vyake vikamulaŵiska Iyo. Kweni para iwo wakati wachita, ndipo iwo wakachita chose icho iwo wakamanya kuchita, nyifwa yikamutimba Iyo, yikati, “Sono ine ndikutorenge Iwe ngati ndiumo ine nkhamuchitira Joshua. Ine ndikutorenge Iwe ngati ndiumo ine nkhamuchitira Daniel. Ndipo ine ndichitenge chose ichi, chifukwa ine ndikupangenge Iwe kuti ufwe.”

⁵⁰ Ndipo Iyo wakafwa mpaka zuwa likachita soni ilolekha. Iyo wakafwa mpaka chilengedwe chikachita soni ndipo ichi chikatondeka kuchita kalikose. Zuwa likatchona pakatikati pa muhanya. Nyenyezi zikawoneka yayi. Iyo wakafwa mpaka mdima ukaŵa ukuru chomene mpaka imwe mukatondeka kuwona woko linu kunthazi kwinu, pakatikati pa muhanya. Ine nkhumanya kulingalira chilengedwe chikati, “Rekani ine ndifwe pamoza na Iyo.”

⁵¹ M’bale! Pamanyuma devulu wakatuma uzima Wake wakuzirwa mu vizonzwe vya gehena. Kula vipata vikajurika, kweni Iyo wakafumako pa dazi lachitatu, wakachitonda ichi. Amen. “Mbewu Yake yizamkutora chipata cha murwani.” Wakatonda nyifwa! Iyo wakatonda gehena. Pa mlenji wakudankha ula wa Isitara, Iyo wakatonda dindi. Sono ise tayimilira, wankhongono kuruska wachatonda, kwizira mwa Iyo Iyo wakatitemwa ise.

⁵² Pa Dazi la Pentekosite Iyo wakatuma Mzimu Mutuwa, kuti warutirizge, kwizira mu Wamitundu, kuti watoremo Mbewu ya phangano. Kuti wapereke ku Wamitundu, wakutayika, kuti wapereke kwa iwo ubapatizo wa Mzimu Mutuwa, kuti wawatorere iwo mu Phangano. Sono ise tiri nawo wanangwa kutonda urwari wose. Ise nthu tikwenera kuwutonda uwu; uwu ukathereskeka kale. Ise tikwenera kuti tirombe waka phangano ndipo tirute titore ili. Ili lathereskeka kale. Nyifwa yathereskeka. Gehena lathereskeka. Urwari wathereskeka. Kuyezgeka kwathereskeka. Viwanda vyose vyathereskeka. Gehena lathereskeka. Nyifwa yathereskeka. Dindi lathereskeka. Ise tayimirira mu chipata, kutora ichi, nthu tikwenera kuchita kuponya chipolopolo. Ichi chiri kulipirika kale.

⁵³ Murwani wake, Iyo wazamkutora chipata cha murwani wake. Kasi mbalinga? Masauzandi gha mamiliyoni. Iyo wazamkutora chipata cha murwani wake, murwani waliyose. Iyo wakawuka ku wakufwa. Ise tiri nacho ichi chifukwa Iyo wakapereka ichi kwa ise. Chose ndi chawanangwa chaulere, kusazgirapo vyose ivyo, na chirichose icho Iyo wali kuchita, ndipo wakatonda chipata chirichose. Iyo wakatonda urwari, wakatora chipata. Chinthu chimoza pera ise tikwenera kuti

tichite ndi kuyenda kuruta ku chipata, kuti, “Mu Zina la Yesu Khristu, Chatonda!” Amen.

⁵⁴ Para yafika nyengo yakufwa, ndipo nyifwa yikati, “Mundiwone ine nkhumupanga iyo wakukankhira kumanyuma chisopo chake.”

⁵⁵ “Mu Zina la Yesu Khristu wa ku Nazarete, werera kumanyuma, Jordan!” Mbewu ya Abraham yatora chipata.

⁵⁶ Chifukwa, Paulos wakati, para iwo wakanozgekeranga kuti wadumureko mutu wake, Mbewu ya Abraham, iyo wakati, “Nyifwa, kasi liwozga lako lirinkhu? Dindi, kasi kutonda kwako kulinkhu? Viwongo virute kwa Chiuta Uyo wakupipa ise kutonda kwizira mwa Yesu Khristu.”

⁵⁷ Iyo wazamkutora chipata cha murwani wake, kutora ichi. Sono, iyo nthawo wakutimbikira pa chipata. Iyo wazamkutonda ichi na kutora ichi. Iyo wazamkutora ichi. Icho chiri mu Nkhongono yake yekha.

⁵⁸ Mu Mpingo wa Chiuta wamoyo, mlenji uwu, muli Nkhongono ya kuchizga urwari wose. Mu Mpingo wa Chiuta wamoyo muli Nkhongono ya kutonda viyezgo vyose. Mu chiharo cha Mpingo wa Chiuta wamoyo, mlenji uwu, muli Nkhongono ya kumanga kwananga na kuponya uku kutali, na kupokera ubapatizo wa Mzimu Mutuwa, mu Mpingo wa Yesu Khristu.

“Chirichose imwe mukukhumba, rombani mu Zina Lane, ndipo ichi chipikenge kwa imwe. Kanyengo kachoko, ndipo charu (nthawo-Mbewu, mbewu yambura kusinthika) yizamkundiwonaso yayi Ine. Kweni imwe muzamkundiwona Ine, pakuti Ine ndizamkuwa na imwe, nanga ndi mwa imwe, kufika ku umaliro wa charu.” Vichi? Mbewu Yaufumu. “Milimo iyo Ine nkuchita, imwe muzamkuchita namweso. Ine ndizamkujikhozgera Ndamwene kuti Ine ndiri namwe, pakuti vimanyikwiro ivi wivarondezgenge weneawo wakugomezga.”

Iyo wazamkutora mbewu ya murwani wake. Iyo wazamkutora. Mbewu Yake yizamkutora chipata cha murwani wake, paliye kanthu kwali chipata ntchivichi. Usange ndi urwari, viyezgo, kwananga, kwali chipata ntchivichi, ichi chathereskeka. Ndipo Mbewu ya Abraham yatora ichi.

⁵⁹ Kasi ndimwe wakukondwa yayi, mlenji uwu, kumanya kuti ise tayimirira sono wankhongono kuruska chatonda, wankhongono kuruska chatonda? O, paliye chirichose chakuti tirwirenge. Kukangana kwamara. Pito walira. Ndembera yakwera. Ndipo mkatikati mwa mulu uliwise wa kwananga, mkatikati mwa chipinda chirichose cha warwari, muli mphinjika yakale yakukwekweskeka, yakupandika na Ndopa za Yesu Khristu, Chatonda. Chinthu chimoza pera ise tikuchita ndi kugomezga, kulawiskapo na kukhala wamoyo.

“Ine ndizamkuŵa namwe. Ine ndizamkusimikizgira. Ŵanthu ŵakwiza mu mazuŵa ghaumaliro, ndipo ŵakuti, ‘O, enya, icho *chikaiŵako*.’ Kweni Ine ndizamkuŵa namwe. Ndipo vinthu vyenevira ivyo Ine nkachita, pano pa charu chapasi, Ine ndizamkuŵa mwa imwe, kuchitanga chinthu chenechira. Ntheura iwo ŵazamkumanya. Iwo ŵazamkundiwona Ine. M... Ŵanthu Ŵane ŵazamkundiwona Ine. Mbewu ya Abraham yizamkundiwona Ine. Iwo ŵazamkundimanya Ine. Iwo ŵazamkundipanikizga Ine. Ŵanyake ŵazamkundichema Ine, ‘Berezebure,’ ngati ndiumo iwo ŵali kuchitira. Kweni imwe muzamkundimanya Ine, pakuti Ine ndizamkuŵa na imwe. Imwe muzamkundiwona Ine, kundiwona na jiso linu. Imwe muzamkundiwona Ine, pakuti Ine ndizamkuŵa na imwe, nanga nkhuŵika ku umaliro wa charu, vinthu vyenevira ivyo Ine nkuchita. Iyo mweneuyo wakugomezga pa Ine, milimo iyo Ine nkuchita wazamkuchita nayoso, mtundu weneula wa mlimo.”

⁶⁰ Ndipo, muhanyauno, Mpingo wa Chiuta wamoyo uli na mwaŵi wa kuyimirira na kuwonanga kuthereska, wakuwuka yesu Khristu, Mwana wa Chiuta wamoyo, wayimirira muno, kukhalanga mu Mpingo Wake, kuchitanga chinthu chenechira Iyo wakachita kale. Ntheura ise tatora chipata cha murwani waliyose.

⁶¹ Usange iwe uli na murwani waliyose mlenji uwu, ntheura, m’bale wane, kuli... Usange iwe ndiwe Mbewu ya Abraham, pamanyuma pa kupulika ichi, kulije viŵanda vyakukwanira ku gehena vingamanya kuŵika chipata icho kunthazi kwako. Ichi chijurikenge. Ine nkhuŵerera yayi kasi ichi ntchivichi. Iwe ruta waka kula, ngati Mbewu yaphangano, nakuti, “Ine nkhuŵhara kuti ichi ntchane. Ichi ntchane, chifukwa Chiuta wakarapizga kuti Iyo wazamkumuwuska Yesu, ndipo, kwizira mwa Yesu, ine ndizamkuthereska ichi. Ine nkhwiza mu Zina la Chatonda yura, Yesu Khristu. Werera kumanyuma. Ine nkhuŵjumphu.” Amen. “Iyo wazamkutora chipata cha murwani.” Ntheura yimirirani apo, na mapewa ghinu kumanyuma na chiskango chinu chakuŵara, mwabenekerereka na Ndopa za Fumu Yesu. Murwani wachiwonenge ichi.

⁶² Usange imwe muli na chakusoŵeka, yowoyani kwa Iyo sono apo ise tikuromba, imwe muli muno, mlenji uwu, apo imwe mwasindamiska mitu yinu. Ndipo usange imwe muli na chakusoŵeka, uli imwe mukwezge waka woko linu kwa Yesu? Ndipo yowoyani waka ichi mu mtima winu, mu mtima winu, ndipo yowoyani, “Fumu, Imwe mukuchimanya chakusoŵeka chane. Sono, ine ndapulika, mlenji uwu, ndipo ilo ndi Baibolo, ‘Iyo wazamkutora chipata cha murwani.’ Ine nkhwiza kuzakatora chipata. Panyake ine ndiri na ukali. Panyake ine nkhusoŵeka Mzimu Mutuŵa. Kwananga kwandimangirira pasi ine. Ine ndiri na chakusoŵeka. Kweni ine nkhwiza ku chipata

sono. Ine nditorenge ichi, mlenji uwu, chipata chane. Ntheura, jura nthowa, ine nkhwiza ndijumphenge.”

⁶³ Fumu yakutumbikika, Imwe mwaghawona mawoko ghose agha. Ndipo Imwe mukumanya agha ndi Mazgu Ghinu, Fumu. Ine ndawerezgapo waka Ichi, ndipo naghapereka kwizira mu Malemba. Wanthu wa mu Baibolo, za umo iwo wakathereskera maufumu ndipo wakapokera urunji, ndipo wakazimwa moto, ukali wa moto, ndipo wakafyorowoka lupanga lwakuthwa, ndipo wakajara mlomo wa nk Haramu, ndipo, o, kweniso, wanakazi wakapokera wakufwa wawo kuwerera ku umoyo, na vintu vinandi, chifukwa Imwe mukalayizga ichi. Ndi phangano Linu, “Mbewu Yake.” “Mbewu Yako, Abraham, yizamkutora chipata cha murwani.” Ndipo Imwe mukusunga phangano Linu.

⁶⁴ Sono perekani kwa iwo, Fumu, kukhumba kwa mtima wawo. Nkhuromba iwo warute kufuma muno munthu wapadera. Nkhuromba iwo warute, kumanyanga kuti iwo ndi—iwo ndi wathereski, chifukwa chakuti Mbewu Yaufumu yikawathereskera iwo. Fumu Yakuchindikika, para Iyo wafika, wakubabika na mwali, Iyo wakathereska murwani waliyose, nanga nkhuwika ku nyifwa. Ntheura nyifwa iyoyene yingayiwofya yayi Mbewu ya Abraham. Ise tiri na phangano lakuti tizamkuhara charu chapasi, ndipo tizamkwizaso mu nthowa yakuchindamikika chomene, mu thupi lakuchindamikika, para murwani waumaliro wakwikika kusi ku marundi, wa yekha pera ndipo mwana waumaliro wa Chiuta uyo wazamkunjira mu Ufumu.

⁶⁵ Usange walipo awo wakwezga mawoko ghawo, Fumu, awo ndi wakwananga, waponoskeni iwo. Iwo weneawo wakuteremukira kumanyuma, zomerezgani iwo wamanye kuti ntha wakwenera kukhalirira wakuteremukira kumanyuma. Iyo wangamanya kutora chipata chira cha kuteremukira kumanyuma. Panyake yumoza yura wali na ukali, m—mukazuzi, lilime likazuzi, panji mtima wa udokezi, panji yumoza muryezi, pa ndalama, panji—panji chinthu chinyake chiheni, wazomerezgeni iwo wamanye kuti iwo wangamanya kutora chipata chira. Panyake ndi urwari, Fumu, kukomwa. Iwo wangamanya kutora chipata icho, “Pakuti Iyo wakapwetekeka chifukwa cha kwananga kwithu, wakavulazika chifukwa cha uchikana marango withu. Chilango cha mtende withu chikawa pa Iyo, ndipo na vitimbo Vyake ise tikachizgika.” Ise ndise wathereski, mlenji uwu. Perekani ichi, Fumu.

Ndipo kusazgirapo vyose ivyo, mlimo ukuru ula uwo ukachitika na Iyo, kwani Iyo wali na ise. Kwani, Iyo wakalayizga kuti Iyo wazamuchita ichi. “Kanyengo kachoko ndipo charu chizamkundiwonaso yayi Ine, kwani imwe muzamkundiwona Ine; pakuti Ine ndizamkuwa na imwe, nanga ndi mwa imwe, kufika ku umaliro wa muwiro.” Ine nkhuromba, Wadada, kuti Imwe mujivumburenge Mwaene kwa waliyose na

yumozayumoza, mlenji uwu. Pakuti ise tikuomba ichi mu Zina la Yesu. Amen.

⁶⁶ Kasi imwe mukugomezga uwo kuŵa Unenesko? Mwakufikapo kugomezga uwo kuŵa Unenesko, ntha kusuntha kumoza kwa nkhayiko mu mtima winu. Sono kumbukirani waka ichi. Kuteweta kwa Mzimu Mutuŵa nkhwakuphweka chomene mwakuti uku kukutimbanizga zero za m'mutu. Vinthu vyakuphweka chomene ivyo ine ndiri... Ine ndiri kuwona Mzimu Mutuŵa wakuchita ichi. Ine ndiyowoyenge vinthu ivyo, chifukwa, ine ntha ningaghanaghana za ichi kuti chingawa ntheura. Usange ine nkhwiriskenge ntchito malingaliro ghane ndamwene, ine mbwenu ndiyowoyenge, "Enya, icho chingawa chaunenesko yayi." Kweni nyengo zose ichi ntchaunenesko. Iyo wakuchita vinthu mwakuphweka waka chomene. Ndipo Iyo wakuchita vinthu kuti wajivumbure Iyomwene ku wanthu Wake. Chiuta wali na wanthu Wake. Iyo wali pakati pa wanthu Wake. Iyo wakuwatemwa iwo. Ndipo Iyo wakukhumba kuti wawachitire iwo, na kuti waŵavwire iwo; na kuti waka iwo ŵamanye, ntha icho Iyo *wati* wazamuchita, kweni icho Iyo *wali* kuchita. Iyo wali kuchita kale ichi. Ichi ntchinu. Ichi ntcha imwe. Ichi ndi chawanangwa chaulere kufuma kwa Chiuta Dada withu, ku Mpingo Wake.

⁶⁷ Sono umo malingaliro gha zero za m'mutu ghaŵirenge ghakutimbanizgika chomene, ngati mu mazuŵa gha Daniel, na mu mazuŵa gha ŵana ŵa Chihebere, na—na ŵanandi awo ise tayowoyapo mlenji uwu. Wonani, charu cha zero zikuru za m'mutu mu nyengo yira chikaŵa waka chinonono kuti chitonde ngati ndiumo kuliri sono. Nyengo zose wali kuŵa murwani, ku kalaŵiskiro kawo, na sayansi yawo yasono na vinthu, vikaŵa waka vyakusuzga na vinthu, ku malingaliro nyengo yira, umo ghaliri ghithu muhanyauno. Wonani, chikaŵa chinthu chenechira. Kweni ŵakaŵako ŵara, nyengo zose, awo ŵakangamika kukhala kwenekula na kuti, "Chiuta ndi muneneska. Mazgu gha Chiuta nganeneska."

⁶⁸ Ndipo, imwe, imwe ntha mukwenera kuthereska, chifukwa Iyo wakathereska. Chinthu chimoza pera icho imwe mukwenera kuchita ndi kuruta waka na kukatora, kuyimirira mu chipata, kuti, "Ichi ntchane. Ichi ndi chane. Chiuta wakapereka ichi kwa ine, chiponosko chane. Usange ine nkhwukhumba Mzimu Mutuŵa, Chiuta wakapereka Uwu kwa ine. Phangano liri kwa ine, ku ŵana ŵithu, wose awo ŵali kutali, wose awo Fumu yichemenge." Ndicho chifukwa ine nkhuylimilira. Mbwenu . . .

⁶⁹ Utumiki wane, wa kusanda uku na vinyake ntheura, uwu umarenge nyengo yiriyose sono. O, uwu nyengo zose uŵengepo. Kweni nyengo yiriyose uwu umarenge, chifukwa uwu ukuruta ku unyake ukuru. Mukuwona? Uwu ukukwera muchanya; kufuma pa kukorako woko, kufika ku kusanda, ndipo sono uwu ukunozgekeru kuti upange umoza unyake. Mukuwona?

Wonani ichi. Woneseskani ichi ndipo manyani kuti uwu ndi unesko. Mukuwona? Ine nkhumanya uwu ndi Unesko. Ndipo uwu ukurenge, kukwerera muchanya, chomeniko. Nadi. Chifukwa, Iyo wakalayizga ichi. Ndipo icho Iyo walayizga, Iyo wakuchita. Iyo wangatondeka yayi mu phangano Lake. Ndipo kasi ichi ntchichi? Kuŵapo Kwake kwamoyo kwarutaruta na ise, kuti wazomerezge ichi, kumumanyiskani imwe kuti Iyo wamufumiskiranipo chipata.

⁷⁰ Iyo wakaŵa Mbewu Yaufumu. Pakaŵavve munyake nthena wakatora vipata vira kweni Iyo. Wose kumanyuma kula ŵakaŵa mizgezge ya kwiza Kwake. Kweni para Iyo wakati wafika, ichi chikamazga kutchayana kose. Kutchayana kukamalira pa Gethsemane na pa Mphinjika. Ndipo sono ise tayimilira waka, ngati ŵathereski. Kulije kutchayana kwakuti tichite. Ise. . . Kutchayana kwamara. Ise tiri nacho ichi, chikalata cha umwini ku ichi. Chisimikizgo chakulembeka na Chiuta, Dada withu, Uyo wakawuska woko Lake, wakati, “Ine ndirapizgenge mwa Ndamwene kuti Mbewu yake yizamkutura chipata cha murwani.” Icho chiri apo. Ichi chiri kutoreka kale. “Iyo wakapwetekeka chifukwa cha kwananga kwithu. Na vitimbo Vyake ise tikachizgika.” Ichi chiri kuchitika kale. Ndi mlimo wakumalizgika. Ise tiri nacho ichi. “Ndipo milimo iyo Ine nkchuchita, muzamkuchita namweso.” Fumu yiri nase, mlenji uwu. Vitumbiko Vyake vikuru, Mzimu Mutuŵa, ukwenda pachanya pithu. Kupulika kakhwaskikiro kara ka uchindami, kumanya kuti ichi ndendende chiri na . . . mu mzere na Mazgu gha Chiuta. Ichi chikutipa ise chipembuzgo chiweme chomene, kumanya kuti—kuti Chiuta ndi Dada withu.

⁷¹ Sono, ine nkchugomezga, kasi iyo—kasi iyo wangupereka makadi ghapemphero mlenji uwu? Ine nangumuphalira iyo, kuti wapereke, usange panguŵavve ŵanyake padera pa ŵa pa kachisi pano, enya, kuti wareke kupereka makadi ghalighose. Kweni usange pangaŵa—panguŵa ŵanandi ngati teni, ŵanthu fifitini, panji chinyake, ŵalendo mu vipata, chifukwa, kuti tipereke makadi ghapemphero, nthaura ise tingamanya kuŵachema iwo na kuŵarombera iwo. Kasi ŵalendo mbalinga ŵali na ise mlenji uwu? Kwezgani woko linu. O, mwe! Nadi. Pali fifitini panji twente ŵa nthaura. Viri makora. Ise tiŵikenge pa mzere makadi agha gha pemphero ndipo tiŵachemerenge iwo ku gome. Wonani, chifukwa icho ine nanguyowoyera za ŵa pa “kachisi” ŵanthu, iwo ŵali kuno.

⁷² Kusanda uku. Kumbukirani, ine nkchuyowoya ichi. Kusanda mwasonosono kufikenge ku umaliro. Kuzamkuŵa chinyake chikuru chomene ndipo chiweme chomeniko, chiri waka mu nthowa. Wakaŵako, uyo ine nkhumanya, nkhumuwonani imwe mukulaŵiska pa ŵabale ŵaŵiri sono, awo ŵakayimirira na ine mayiro, para chira chikati chachitika, wonani, ndipo dazi kuseri kwa mayiro, para ichi chikachitika. Ndipo ndi katatu mu

kurondezguna, sono, ichi chiri kuchitika, kukhozgereka kuti ichi chiri nkhanira pafupi sono, wonani, chiri pafupi kuchitika.

⁷³ Sono, Fumu, Imwe ndimwe Chiuta, ndipo ise ndise wateweti Wīnu. Ise tikumuwongani Imwe chifukwa cha Mazgu Ghinu, chifukwa cha Mzimu Mutuwā, Uyo watumbika mitima yithu. Ndipo sono ise ndise wakukondwa. Ise takhala muno, kumanyanga kuti ndise wathereski. Ise tatora kale vipata vyose vya murwani. Ichi chiri kuperekeka kwa ise, ndipo ise tiri na kiya wakujura palipose wali mu woko lithu. Zina la Yesu Khristu lizamku- . . . lizamujura chipata chirichose cha murwani. Torani kiya uyu, kiya wa Zina la Yesu, ndipo wanga- . . . wangajura chipata chirichose cha murwani uyo wakukukankhira kutali na phangano lirilose.

Ndipo, Chiuta, mlenji uwu ise tikwiza mu Zina la Yesu, na kiya uyu, kuti tijure vipata vya warwari na wakukomwa. Pakuti kuli kulembeka mu—mu Mazgu Ghake, “Mu Zina Lane iwo wazamkufumiska viwanda. Iwo wazamkuyowoya malilime ghaphya. Ndipo usange iwo wakorenge njoka, panji kumwa chinthu chinyake chakukoma, ichi chiwapwetekege yayi iwo. Iwo wawikenge mawoko ghawo pa warwari ndipo iwo wachirenge.” Ise tikumanya vinthu ivyo ndi vyauneneko. Ndipo perekani, mlenji uwu, Fumu, mwakuti iwo, wanthu wangamanya kuchiwona icho, kwizira mu kuwonekera kwa Mazgu ghakuzgoka thupi na kukhalanga pakati pithu, kuti, “Iyo wakapwetekeka chifukwa cha kwananga kwithu; na vitimbo Vyake ise tikachizgika.” Ndipo nkhuromba iwo wazomere ichi na kuchizgika, mlenji uwu, ku maurwari ghawo ghose na matenda na masuzgo. Ise tikuromba ichi mu Zina la Yesu. Amen.

⁷⁴ Uli iwe utiyimbire, Teddy, *Gomezgani*, mwakachetechete na mwakuzikitizga, usange iwe ungachita.

Ndipo vichi? Kasi iwe wanguyambira pa wanu? Nambala wanu, kadi la pemphero. Wanu, thu, firii, foru, fayivi, sikisi, seveni, eyiti, nayini, teni, panji lirilose ilo liripo. Viri makora. Uli iwe mwakachetechete waka, usange iwe ungayimilira, zanga kudera uku.

[M'bale wakuti, “Kasi iwe wanguchemā walinga?”—Munozgi] Huh? [Munyake wakuti, “Mphenepapo. Mphenepapo.”] Za . . .

Tiyeni tiwone, nambala wanu, nambala thu. Ndinjani wali na kadi la pemphero nambala wanu? [M'bale wakuti, “Ine ndiri nalo ili.”—Munozgi] Enya. Nambala thu. Viri makora, bwana. Nambala firii, nambala foru, nambala fayivi, nambala sikisi, nambala seveni, nambala eyiti, nambala nayini, nambala teni.

⁷⁵ Apo iwo wakupanga ulendo wawo na kutoranga malo ghawo gha kwimilirapo, Ine nkhuumba kuti ndifumbe fumbo ku wanyake mose wa imwe. Kasi mbalinga, kasi walimo wanthu wa pa kachisi muno, awo mbarwari? Wanthu pa kachisi, kwezgani

muchanya woko linu. Pafupifupi fayivi...foru, fayivi, sikisi, seveni, eyiti. Mawoko eyiti panji nayini. Kasi walimo munyake muno mu kachisi, uyo ngwa pano yayi pa kachisi, iwo ndi wâlendo kwa ise, nangauli panyake imwe mwafika pamanyuma pakuti chisopo chamara ndipo mwangupokera yayi kadi la pemphero? Uli imwe mukwezge woko linu? Walipo munyake uyo wakukhumba Chiuta, uyo nthā...uyo—uyo nthā wakwiza ku kachisi uyu. Walimo munyake muno uyo nthā ndi membara wa kachisi uyu, ndipo—ndipo kweni ndiwe murwari ndipo ulije kadi lapemphero, iwe ukukhumba kuti ukumbukirike mu kuromba? Uli iwe ukwezge woko lako, munthu waliyose? Viri makora. Icho ntchiweme. Viri makora.

⁷⁶ Sono ine ndimupempheninge usange imwe mungāwa waka wāntchindi umo imwe mungamanya kuchitira, pa a—maminiti ghachoko waka, ndipo pamanyuma ise tichemenge na kuyambapo. Sono tiyeni tiwone. Kasi iwe wakhala na malo ghakuru uli uko, Billy? Viri makora. Kasi uwo uli na nambala teni kunena uko? Ine nanguchema wanu kufika teni.

Eleveni, thweluvu, satini, fotini, fifitini, rekani iwo wāyimilire sono. Usange iwo ndi nambala teni, eleveni, thweluvu, satini, fotini, fifitini, rekani iwo wāyimilire. Viri makora. Wanu, thu, firii, foru, fayivi, sikisi, seveni, eyiti, nayini, teni, eleveni, thweluvu. Pakuperewera pafupifupi wanyake wāwiri, kufuma pa wanu kufika fifitini. (...?....seveni, eyiti, nayini, teni, eleveni.) Fifitini, sikisitini, seventini, eyitini, nayintini, twente.

⁷⁷ O, lindizgani miniti pera. Ine—ine nangumuphalira iyo kuti wapereke waka makadi gha pemphero ku wānthu awo nthā ndi wā pa kachisi. Uwo mbunenesko. Mukuwona? Chifukwa, uku kuwenge, wonani, kusanda. Wānthu wākuti, “Wānthu awa wākuzi ku kachisi.” Mukuwona? Ine—ine nkhumuphalirani imwe. Kasi mbalinga wāli kuwa kuno...nthā wāli kuwako kuno nakale? Tiyeni tiliwone woko linu, paliye uyo wali kuwamo mu umozā wa maungano ghane nakale. Viri makora. Viri makora.

Sono, viri makora, kanyengo waka sono, M'bale Teddy.

⁷⁸ Sono ine panyake ndiyowoye ichi, kuti, mose imwe muli kupulika za maungano, umo ichi chikuchitikira, nangauli, muli kupulikapo, mwawānthu mose imwe muli kuwamo mu maungano? Mukuwona? Para Fumu yithu Yesu wakawa pano pa charu chapasi, Iyo nthā wakayowoya kuti wakawa muchiriski. Iyo wakawa Mbewu ya Abraham, nadi, ndipo Iyo wakawa na phangano pamoza na Iyo. Iyo wakayowoya kuti Iyo wakachita chirichose yayi mpaka Wadada wakamuwoneska Iyo. Ndi unenesko uwo? Ndipo Iyo wakati, “Ine ningachita chirichose yayi mpaka Wadada wāndiwoneske ine chakuti ndichite.” Ndipo Iyo wakachiwona ichi mwa...Nthā “mpaka Wadada wāndiphalire Ine.” “Mpaka Wadada wāndiwoneske Ine.” Yohane

Mutuwa 5:19, “Icho Ine nkhuwona Wadada wakuchita, ndicho Mwana wakuchita nayoso.”

⁷⁹ Sono para Iyo—Iyo wakati wafika, ise tikusanga kuti, mu kumayambiro gha utumiki Wake, kuti para Iyo wakati watora a—mpando wa David...[Pa tepi palije kalikose—Munozgi] Kuyowoyanga kwauzimu, a . . .

Para Mzimu Mutuwa wakati wafika pa Iyo pa ubapatizo, wa Yohane, ndipo Iyo wakazgoka Mesiya wakuphakazgika. Sono, kumbukirani, Iyo wakaŵa Mwana wa Chiuta para Iyo wakati wababika. Iyo wakaŵa Mwana wa Chiuta wakubabika na mwali. Kweni para Iyo wakati wazgoka Mesiya, ndi penepapo Mzimu Mutuwa wakafika pa Iyo, chifukwa *Mesiya* chikung’anamura “wakuphakazgika.” Mukuwona? Ndipo Iyo wakaŵa Yumoza wakuphakazgika para Mzimu Mutuwa wakafika pa Iyo. Imwe mukandipulika ine nkupharazga pa *Mwanamberere Na Nkhunda*. Pamanyuma ise tikusanga kuti, para Iyo . . . Pamanyuma pa mazuwa Ghake fote gha kuyezgeka, Iyo wakawerako.

⁸⁰ Ndipo kasi utumiki Wake ukayamba uli, ndipo kasi uwu ukamara uli? Ise tikusanga kuti, mu utumiki Wake kuti kukaŵa mwanarumi wakumanyikwa na zina lakuti Andreyana, uyo wakaruta ndipo wakasanga munung’una wake, Simon, mulovi, ndipo wakiza nayo kwa Yesu. Ndipo Yesu wakamuphalira iyo, wakati, “Zina lako ndiwe Simon. Zina la dada wako ndi Jonas. Kufuma sono na kunthazi iwe uchemekenge *Petros*, icho chikung’anamura ‘libwe lichoko.’” Imwe mukukumbukira icho? Ndipo munthu uyu wakazukuma chomene pa icho Yesu wakamuphalira!

Sono, kasi Mesiya wakayenera kuchita icho? Kasi mbalinga wakumanya icho, yowoyani, “Amen.” Iyo wakayenera kuŵa Chiuta-Muprofeti. Enya, bwana. Moses wakati, “Yehova Chiuta winu wati wawuskenge Muprofeti wakuyana na ine. Kuzamkuchitika kuti mweneuyo ntha wazamkupulikira Muprofeti uyu wazamkudumulikapo pakati pa wanthu.”

⁸¹ Sono, nthaura para ise tikusanga kuti, pamanyuma, Ŵake . . . “Iyo wakiza ku Ŵake Yekha.” Kasi ŵara ŵakaŵa anjani? Wayuda, mwa chilengedwe. “Ndipo nthaura Wake Yekha wakamupokerera yayi Iyo,” nthaura Iyo pamanyuma wakaŵa . . . Sono ichi chikwenera kuti chirute ku Ŵamitundu, wonani, chifukwa Ŵake Yekha wakamupokerera yayi Iyo. “Kweni wose awo wakamupokerera Iyo, kwa iwo Iyo wakaŵapa nkhangono yakuti ŵawe ŵana ŵa Chiuta.” Nthaura sono Iyo wakang’anamukira ku Ŵamitundu, ndipo wali kuŵa, pa virimika thu sauzandi. Kweni sono wonani vinthu ivyo Iyo wakachita.

⁸² Nthaura Filipu, para iyo wakati wawona ichi chachitika, iyo wakaruta ndipo wakamusanga Nathaniel, ndipo

wakamuphalira Nathaniel uyo iyo wakamusanga na icho Iyo wakachita. Ndipo chira chikamuzukumiska iyo. Iyo wakagomezga yayi ichi. Kweni para iyo wakati wafika mu Kuwapo kwa Fumu Yesu, para iyo wakati wasanga uko Iyo wakaŵa, wakafika mu Kuwapo Kwake, Yesu wakati, “Wonani mu Israel mwa uyo mulije chinyengo.”

⁸³ Sono, usange imwe mukaŵenge kuti mukaŵako kula, kasi imwe mukughanaghana kuti nthena mukaŵa ŵauzimu mwakukwanira kuti nthena mukapulikiska kasi Yura wakaŵa njani? Imwe mukughanaghana kuti nthena mukachita ichi? Sono wonani. Mukuwona? Munthu yura, Mlendo waka, mulo- . . . kula, Iyo panyake wakaŵa mulovi. Iyo wakaŵa kalipentara, ndicho Iyo wakaŵa. Munthu uyu kalipentara wayimirira apo, Munthu wamsinkhu wapakatikati. Ndipo kula wakwiza munthu uyu. Iyo wakamulaŵiska iyo, ngati yumoza wa ŵanthu aŵa muno, wakati, “Wonani mu Israel mwa uyo mulije chinyengo.” Enya, kasi Iyo wakamanya uli kuti iyo wakaŵa mu Israel? Ntha umo iyo wakavwarira, chifukwa wose ŵakavwara mwakuyana. “Mwa mweneuyo mulije chinyengo.” Kasi Iyo wakamanya uli kuti iyo wakaŵa a—munthu wambura chinyengo?

⁸⁴ Ntheura ichi chikamuzukumiska munthu uyu. Pakuŵa wakugomezga mweneko, iyo wakati, “Rabbi,” panji m’bale, mupharazgi, musambizgi, “kasi Imwe mukandiwona pauli ine?” Wonani, iyo wakamufumbanga Iyo.

⁸⁵ Iyo wakati, “Pambere Filipu wandakucheme iwe, para iwe ukaŵa musu mwa khuni, Ine nkhuwona iwe.”

Iyo wakati, “Imwe ndimwe Mwana wa Chiuta. Imwe ndimwe Fumu ya Israel.”

⁸⁶ Yesu wakati, “Chifukwa chakuti Ine nakuphalira ichi, sono iwe wandigomezga Ine? Sono iwe uwonenge vinthu vikuru kuruska ichi.”

⁸⁷ Ndipo ndicho chifukwa ine nkhuomezga kuti Mpingo wa Chiuta wamoyo uti uwonenge chinthu chikuru kuruska ichi. uyu ukunozgekera kuti unjire nkhanira mu ichi sono, mwasonosono, wonani, chifukwa iwo ŵagomezga ichi. Iwo ŵeneawo ŵachikana ichi, chifukwa cha vyakutchinga vya mabungwe, ine nkhuwona iyo usange iwo ŵagomezgenge chirichose. Mukuwona? Vinthu . . . Imwe panyake mwendenge mu Kuwara panji kuŵa wachiburumutira. Kuwara kukuburumutizga, panji kukumuwoneskani nthowa.

⁸⁸ Tuyuni tuchokotuchoko, ine nkhatusinga, pa Chikozgo cha Wanangwa. Uwoneseske kuti ukachiwone icho, M’bale Thoms, para iwe ukukwera mtunda, wona. Ito tukuswa mongo wawo, kujitchayiska kula. Ndipo ine nkhati, “Kasi suzgo likuŵa vichi?”

⁸⁹ Wakati, “M’ malo mwakurondezganga kuwara, mu chimphepo, kuruta ku kuphokwa, ito tukayezga kuti tuzimwiske kuwara. Ito tukujikoma itotwene.”

⁹⁰ Ndicho chekha pera icho chikuchitika para imwe mukujitchayiska ku Kuwara, imwe mukujikoma mwaŵene, ku uzimu. Yendani waka mu Kuwara apo Iyo wali mu Kuwara, pamanyuma ise tiwenge na wenenawene yumoza na munyake, mipingo yose yigomezgenge na kurutirira na kunjoya vitumbiko vya Chiuta. Kasi icho chiwenge chiweme yayi?

⁹¹ Muwoneni mwanakazi wa ku Samariya para iyo wakati wafika. Iyo wakaŵa waku Samariya, sono (ntha muYuda), muSamariya. Ndipo Iyo wakati, “Nditorere maji Ine ndimwe.” Ndipo kudumbirana kukarutirira.

Ichi ntha walelendo sono.

⁹² Ndipo kudumbirana kukarutirira. Sono, iyo ntha wakamumanya Iyo kuti wakaŵa Mesiya. Iyo wakaŵa waka a—Munthu, muYuda. Mukuwona umo iyo wakayowoyera pakudankha? Iyo wakati, “Chifukwa, ndi chakwenerera yayi kuti imwe Wayuda muyowoyenge ku mwanakazi wa ku Samariya ngati ntheura.” Iyo wakati, “Ise tirije kucchezgerana yumoza na munyake.”

⁹³ Iyo wakati, “Kweni usange iwe ukamumanyenge Uyo iwe ukuyowoyeskana nayo, iwe nthena wangundiromba Ine ghakumwa. Ndipo Ine mbwenu nikupenge iwe, nikupenge maji iwe, agho iwe ntha ukwiza kuno kuzakanegha.”

⁹⁴ Chifukwa, iyo wakati, “Sono miniti pera.” Iyo wakati, “Ise tikusopa mu phiri ili, ndipo—ndipo imwe Wayuda mukusopa ku Yerusalemu.”

⁹⁵ Yesu wakati, “Kweni ora liti lizenge apo—apo imwe ntha muzamkusopa mu Yerusalemu panji mu phiri ili, kweni mu Mzimu. Pakuti Chiuta ndi Mzimu, ndipo iwo weneawo wakumusopa Iyo wakwenera kumusopa Iyo mu Mzimu na mu Unenesko.” Mukuwona? Enya, Iyo wakarutirira, wakarutirizga kudumbirana nayo mpaka Iyo wakasanga apo suzgo lake likaŵa. Vichi, imwe mukumanya apo pakaŵa suzgo lake? Walipo munyake wakumanya kasi suzgo likaŵa vichi na mwanakazi pa chisime? Iyo wakaŵa na wanarumi wanandi chomene, wakaŵa nawo yayi? Ntheura Iyo wakati kwa iyo, “Ruta ukatore mfumu wako ndipo mwize kuno.”

Iyo wakati, “Ine ndirije mwanarumi waliyose.”

⁹⁶ Wakati, “Uwo mbunenesko. Iwe ukaŵa nawo fayivi, ndipo yumoza mweneuyo iwe ukukhala nayo sono ngwako yayi.”

⁹⁷ Iyo wakati, “Bwana!” Sono muwoneni iyo. “Bwana, ine nkhuwona kuti Imwe ndimwe Muprofeti.”

Usange imwe mungawerera kumanyuma ku tumalemba twakumphepete, imwe muchiwonenge ichi. “Bwana,” mu

chiyambi, “Imwe ndimwe, ine nkhuwona, kuti Imwe ndimwe Muprofeti *yura*.” Kumbukirani, mu Baibolo, ili likurutirira kuyowoyanga, “Muprofeti yura, kasi Imwe ndimwe ‘Muprofeti yura?’” Kasi Muprofeti uyu wakaŵa njani? Yumoza mweneuyo Moses wakayowoya kuti wazamkwiza.

“Ine nkhuwona kuti Imwe ndimwe Muprofeti. Sono, ise tiri kusambizgika, ndipo ise tikumanya kuti para Mesiya wafika, Iyo wazamkuchita vinthu ivi.” Chira chikaŵa chimanyikwiro cha Mesiya. Ndi unenesko uwo? Kumanya icho suzgo lake likaŵa. Wakati, “Ise tikumanya kuti para Mesiya wafika, Iyo wazamkutiphalira vinthu ivi. Kweni kasi Imwe Ndimwe njani?”

Iyo wakati, “Ine ndine Iyo, uyo wakuyowoya kwa iwe.”

⁹⁸ Iyo wakasida chiŵiya chake cha maji. Iyo wakachimbirira mu msumba, ine nkhulingalira, waukora waka mtima wake. Ndipo kuyowoyanga, waŵika mawoko ghake pa chifuŵa chake kudukaduka waka, kuti, “Zaninge, muzakawone Munthu Uyo wandiphalira ine vinthu ivyo ine nkhachita. Kasi uyu ndi Mesiya mweneyura yayi? Kasi ndi Yumoza mweneyura yayi uyo Baibolo likayowoya kuti wazamkwiza? Ndi Muyuda wakhala kuwaro kula, Munthu wamba waka, wakawoneka ngati kalipentara. Kweni Iyo wangundiphalira ine kuti nkhaŵa na ŵanarumi ŵankhonde, ndipo imwe mose mukumanya kuti uyu ndi unenesko. Uyu wakwenera kuŵa Mesiya.” Ndi unenesko uwo?

⁹⁹ Sono, Yesu wakati, “Kanyengo kachoko, mpata uchoko wa nyengo, charu ntha chindiwonengeso Ine. Kweni, imwe muzamkundiwona Ine, pakuti Ine ndizamkuŵa na imwe, nanga ndi mwa imwe. Ndipo milimo iyo Ine nkhuchita muzamkuchita namweso. Nanga ndi yinandi kuruska iyo Ine ndachita kuno, imwe muzamuchita, pakuti Ine nkhuruta ku Wadada, ndizamkwizaso mu kawonekero ka Mzimu.”

Sembe yalipirika. Mbewu Yaufumu yikafwa; Mbewu Yaufumu yikawukaso. Sono Mpingo wayimirira wakurunjiskika, pakuchita kugomezga icho, ndipo Mbewu Yaufumu yingamanya kunjira mu ŵanthu aŵa ndipo nanga nkhuŵapanga iwo ŵahaliri pamoza, ŵana ŵanarumi na ŵana ŵanakazi ŵa Chiuta.

¹⁰⁰ Sono, kwa imwe mose kuwaro uko, imwe ntha muli mu mzere uwu wapemphero, Ine nangumuphalira iyo kuti wapereke waka makadi ku ŵanthu awo. . . para ine nangumuyimbira iyo mlenji uwu. Iyo wangundiymbira ine, wanguti, “Imwe mukukhumba kuti ndirute na kupereka makadi ghanyake, adada?”

¹⁰¹ Ine nanguti, “Usange pali ŵanthu ŵanandi ŵakukwana khumi awo ŵiza kufuma kuwaro kwa kachisi.”

¹⁰² Sono, nyengo zinyake mu kachisi ine nkhuchema na kuŵapa iwo makadi ghapemphero. Imwe mukwizaso, mukuti, “Enya, iyo wanguŵamanya iwo. Iwo ŵangufumira pa kachisi. Iyo wangumanya kaŵiro kawo. Nadi.”

103 Pamanyuma ine nkhung'anamuka, ine nkhuti, "Ŵekha pera awo ŵafika kufuma kuwaro kwa kachisi, ŵize. Viri makora. Imwe ndimwe ŵa pa kachisi yayi, imwe ndimwe mwize mu mzere wa pemphero."

104 "O, ise tinguŵamanya yayi iwo," wakayowoya kachisi. "Ise tikumanya yayi kasi suzgo lawo ndivichi. Iyo panyake wakhala wakuyowoya utesi za ichi." Mukuwona?

105 Pamanyuma ine nkhuti, "Paŵavye munyake wafike. Rekani Mzimu Mutuŵa wasankhurepo waka iwo ŵeneawo ŵali muno awo ntha ŵafuma pa kachisi uyu, khalani waka kuwaro uko." Chete, imwe waka . . .

106 Kulije nthowa yiriyose, ya kumutorera munthu kwa Chiuta, pekhapekha iyo wali kusankhikirathu kuti ndi mwana wa Chiuta. Palije nthowa ya kuchitira ichi. Yesu wakati, "Kulije munthu wangiza kwa Ine pekhapekha Ŵadada Ŵane ŵamucheme iyo." Ndipo uwo ndi Unesuko. Chirichose Iyo wakachita, chikaŵako chinyake chakususka. "Usange Iyo wakachita ichi munthowa *iyi*, ichi chikayenera kuti chiŵe munthowa *iyi*. Ndipo nthowa *iyi*, ichi chikayenera kuti chiŵe kumanyuma kula munthowa *iyi*." Wonani, ndi kuwura waka kugomezga. Kweni vinjeru vikurunjiskika na ŵana ŵake. Ntheura, imwe, imwe wonani.

107 Sono apa, ine nkhuyezga kuyowoya ku—ku gulu ili la ŵanthu, ili, kuti Yesu Khristu wakaŵa Mbewu yira Yaufumu. Ndise yayi; ndi Iyo. Ise ndise waka ŵahaliri ŵa icho, kweni vintu vyose ndi vithu. Uli usange imwe mukayimirenge kula dazi lira para Simon wakati wafika? Ndipo, imwe, palije. . . Ichi ndi chinthu chakudankha Iyo wakachita.

108 Sono, icho chiŵenge chinthu chakudankha ku ŵanthu aŵa, usange Iyo wachita ichi. Iwo ŵandachiwonepo ichi nakale.

109 Kweni para Simon wakati wafika, mulovi mulara, wambura masambiro ghakukwanira kuti walembe zina lake pa kachiduswa ka pepala. Baibolo likati iyo wakaŵa "burutu na wambura kusambira." *Ndipo* ndi mlumikizi. Vyose, "burutu na wambura kusambira." Ndipo ntheura para Iyo wakati wafika, mu chimanyikwirowi, nkhongono. . . Yesu, Yesu wakati, "Zina lako ndiwe Simon." Kasi imwe mukughanaghana kuti iyo wakughanaghana vichi? Kasi imwe nthena mukughanaghana vichi usange imwe mukayimilirenge kula? "Ndipo zina la dada wako ndi Jonas. Ndipo kufuma sono na kunthazi iwe uchemkenge Petros." Kasi, kasi imwe nthena mukughanaghana vichi? Kasi Munthu wakaŵazganga malingaliro ghake? Enya, kasi imwe nthena mukughanaghana vichi? Kasi imwe nthena mukughanaghana kuti chira chikaŵa chimanyikwirowi cha Mesiya?

110 Usange icho ndi chimanyikwirowi cha Mesiya mu muwiro umoza, ichi chikwenera kuŵa chimanyikwirowi cha Mesiya,

muwiro wachiwiri, muwiro wachitatu, muwiro wachinayi. Muwiro uliwose chikwenera kuwa chimozi, chifukwa Chiuta wangasinthaye. Ndipo kasi mbalinga wakumanya kuti Mesiya wakaŵa Chiuta? Nadi. Wakaŵa Wakuphakazgika. Nadi. Ntheura Iyo wangasinthaye. Iyo wakwenera kuwa chimozi.

¹¹¹ Ndicho chifukwa Iyo wakwenera kuti wachitire ukaboni chinthu chenechira ku ŵaSamariya icho Iyo wakachita ku Wayuda. Chifukwa, mitundu yitatu ya ŵanthu ndi Ham, Shem, na ŵanthu ŵa Yafeti; Muyuda, Wamitundu, na Musamariya.

¹¹² Sono, imwe mukuwuwona Mzimu Mutuŵa? Kasi mbalinga wakumanya kuti Petros wakaŵa na makiyi gha ku Ufumu? Kasi imwe mwanguwona? iyo wakajura uwu pa Dazi la Pentekosite, ku Wayuda. Filipu wakakhirira kusika ndipo wakapharazga ku ŵaSamariya, ndipo wakaŵabapatiza iwo mu Zina la Yesu Khristu, kweni Mzimu Mutuŵa ukaŵa undafike pa iwo. Iwo wakayenera kuti watume na kukamutora Petros, uyo wakaŵika mawoko ghake pa iwo ndipo iwo wakapokera Mzimu Mutuŵa. Mbunenesko uwo? Ndipo nyumba ya Koneliyo, a—Wamitundu wakapokera Uwu. Icho ndicho chikaŵako. Kufuma nyengo yira na kunthazi, uwu ngwakujurika kwa waliyose waka sono. Ntheura apo imwe muli, wonani, Iyo wakajura uwu. Chiuta wali na nthowa za kuchitira vinthu.

¹¹³ Sono, mlenji uwu, usange Yumoza uyu Uyo wakapereka Phangano ku Mbewu, ndipo usange mbewu yiri muno. . . Ine nkhuomezga kuti waliyose wa imwe ndiyo. Usange Mbewu yiri muno, nadi Mbewu yiliwonenge Phangano. Sono, waliyose wa ŵanthu ŵa ŵayimirira muno wakwezga mawoko ghawo, iwo ntha ŵali kuŵamo nanga ndi mu maungano nakale. Iwo ndi ŵalendo kwa ine. Ine ntha nkhumanyapo yumoza wa iwo. Iwo ŵafika waka kuno. Ndipo maminiti ghachoko ghajumphu, Billy wanguwapa iwo kadi lapemphero, ndipo iwo ŵayimirira apa. Kuli ŵanandi ŵa imwe kuwaro uko, mwakwezga mawoko ghinu, kuti imwe mwanguŵavye makadi ghapemphero, ndipo imwe ndimwe ŵalendo ndithu muno. Icho chirije chakuchita chirichose na ichi. Imwe gomezgani waka kuti ndimwe ŵahaliri ŵa phangano lira. Imwe gomezgani waka kuti na vitimbo Vyake imwe mukachizgika. Ndipo gomezgani icho na mtima winu wose, ndipo muwoneni Iyo.

¹¹⁴ Chinthu chimoza pera icho chawanangwa ichi chiri, ndi kujiperekanga waka wamwene kwa Iyo. Ine nkhuoyoya chirichose yayi; Iyo ndiyo wakuyowoya. Ndipo usange Uwu ndi Mzimu Wake wa uchimi, muprofeti nyengo zose wakaŵa na NTHEURA WAKUTI YEHOVA. Nyengo zose ukaŵa unenesko. Ndipo ntha mungachifumbanga Chisambizgo, chifukwa ichi chikwenera kuti chiyende pa mzere na Baibolo, usange ichi ndi Chiuta. Chiuta ntha wangayowoya chinyake, ndipo pamanyuma

kuwerera pa ichi na kunyongolora ichi. Ichi chikwenera kuŵa chinthu chenechira nyengo zose.

¹¹⁵ Sono, imwe kuwaro uko, imwe gomezgani. Na vyose ivyo viri mwa imwe, imwe gomezgani. Sono kuyendayenda yayi munthowa yiriyose. Khalani waka nkhanira chete sono, waliyose.

Mwakuzikitizga waka na mwapasipasi umo iwe ungachitira.

Mbwenu kwachitika kuti, mlenji uwu, kuti munthu wakudankha wayimirira apa ndi mwanarumi. Sono ise titorenge Lemba ili.

¹¹⁶ Sono kasi imwe mukuwona apo ine ndayimirira? Kasi mbalinga ŵakupulikiska icho? Apa pali ŵanarumi na ŵanakazi ŵayimirira apa, awo ine ndiri kuŵawonapo yayi, mu umoyo wane. Iwo ntha ŵali kuŵamo nanga ndi mu unguano, ndipo imwe mukuwona apo iwo ŵayimirira. Iwo ŵakumanya yayi icho chichitikenge. Ine nkhumanya yayi icho chichitikenge. Kweni Chiuta wakalayizga ichi. Abraham wakamanya yayi icho chikati chichitikenge para iyo wakasolora chimayi kuti wakome Isaac, kweni Chiuta wakamulayizga iyo. Mbwenu kwamara. Iyo wakamupokera iyo ngati yumoza kufuma ku ŵakufwa, kumanyanga kuti Iyo wakaŵa wamagomezgeko kumuŵuska iyo ku ŵakufwa. Ndi unenesko uwo? Ntheura mbwenu kwamara.

¹¹⁷ Sono, apa payimirira mwanarumi kufupi na ine, ine ndiri kumuwonapo yayi iyo, nkhumanya chirichose yayi za iyo. Ise ndise ŵalendo kwa yumoza na munyake. Ise tikumanyana yayi yumoza na munyake. Chiuta wakutimanya tose taŵiri.

Sono, mwa chawanangwa Chauzimu, usange ine mwa chawanangwa waka. . . Sono, vyawanangwa ivyo vikubabikira mwa imwe. Chiuta wakasankhirathu pambere charu chindaŵeko. Kasi mbalinga ŵakumanya icho? Ntheura ichi ntha chingaŵa chinyake icho ine nkhaŵa nacho, kuti chitore chawanangwa. Chiuta wakasankha waka icho. Ine nkhasankha yayi icho. Iyo wakasankha icho. Mukuwona? Ngati ŵaprofeti ŵa Chipangano Chakale, na ŵanthu ŵakupambanapambana, iwo ŵakasankhikirathu kuzakachita ichi, kuti ŵachite ichi.

¹¹⁸ Sono, usange munthu warwara, ine ningamuchizga yayi iyo. Usange munthu wali na chakusoŵeka, ichi chitorerege pa icho iyo wakhumbanga kuti kwali ine ningamovwira iyo panji yayi. Panyake chingachitika, usange ichi chikaŵa chinyake ngati kuti iyo. . . chinthu chinyake chichoko ine ningamanya kumovwira iyo, chifukwa, ine ndiŵenge wakukondwa kuchita ichi. Panyake iyo wali na ukali. Panyake iyo ntha nanga ndi Mukhristu. Panyake iyo ndi Mukhristu. Panyake iyo ndi wakukopera. Ine nkhumanya yayi. Uli usange iyo ndi chifwamba wakujoŵerera, yumoza uyo wagwegweteramo, ndipo wafika muno ndipo wakujiipanga waka iyomwene ngati chinthu

chinyake? Wonani icho chikuchitika, wonani, waka—wonani waka icho chikuchitika. Ine nkhumanya yayi.

¹¹⁹ Kweni, wonani, imwe mwayimirira muno, nthaura imwe mungamanya kuyimirira wakufikapo, kumanyanga kuti Chiuta wakapanga phangano, Chiuta wakusunga phangano Lake. Mukuwona? Sono, usange Chiuta wakusunga phangano Lake, pakatikati, nkhanira muno sono, ku wanthu aŵa; kasi mbalinga kuwaro uko wakhalenge kuwaro uko, ndipo na mtima winu wose imwe mugomezenge ichi? Na mtima winu wose, imwe mugomezenge? Ntheura imwe nigomezgeni waka ine.

¹²⁰ Sono tiyeni tiwone. Tiyeni titore Lemba. Sono, Simon Petros wakiza kwa Fumu Yesu. Ndipo pa kufika kwa Fumu Yesu, Fumu Yesu wakamuphalira iyo icho iyo wakaŵa, ndipo—ndipo wakamuphalira iyo vinthu vyakukhwaskana na umoyo wake. Enya, Yesu mweneyura ngwamoyo muhanyauno. Iyo . . . Kasi imwe mukugomezga kuti Iyo wakawuka ku wakufwa? Kasi imwe mukugomezga kuti Mzimu wa Umesiya ukukhala nkhanira mu Mpingo, muhanyauno, chimozimozi waka umo Uwu ukachitira nyengo zose? Viri makora.

¹²¹ Sono, imwe mu gulu, imwe mulije khadi lapemphero, imwe laŵiskani kudera uku ndipo yowoyani, “Fumu!” Nkhumanya, mulije makadi ghapemphero mu gulu, ine naŵayimiliriska wose uku. Imwe mu gulu yowoyani, “Fumu, Imwe ndikhwaskeni ine.” Fufuzani icho chikuchitika. Fufuzani icho chikuchitika . . . ? . . .

¹²² Sono, bwana, usange yikaŵako nthowa mu charu yakuti ndikowilire iwe, ine mbwenu ndichitenge ichi. Wona, ine ndine waka, ise ndise waka ŵalendo muno, ndipo ine—ine nkhumana nawe pa nyengo yane yakudankha. Kweni ine ndiri na ntchito, ngati mupharazgi, kuti ndiyowoye Unenesko na kuti ndiŵe kaboni wa Yesu Khristu. Ndipo, sono, ine nkukhumba yayi kuti iwe undiphalire chirichose ine. Ine nkukhumba waka kuti iwe undizgore kwali uwu ndi unenesko panji yayi, ndipo pamanyuma reka Iyo wachite ichi. Ndipo usange Iyo wachitenge chimozimozi pano pa gome, kwizira mu thupi ili, icho Iyo wakachita kwizira mu thupi la Yesu!

Uyo ndi Chiuta, mwa Khristu. Yesu wakati, “Ine nkuchita chirichose yayi mpaka Ŵadada, awo ŵali mwa Ine, ŵandiwoneske Ine. Iwo ŵakundiphalira Ine chakuti ndichite.” Ntheura nthā wakaŵa Yesu uyo wakaphalira mwanakazi. Wakaŵa Dada, mwa Iyo, wakamuphalira mwanakazi. Wakaŵa—nthā wakaŵa Yesu uyo wakamanya icho Simon Petros wakaŵa, wakaŵa Dada uyo wakakhalanga mwa Iyo, wakamanya icho Simon Petros wakaŵa. Ndicho ichi. Mukuwona? Ndicho ichi.

¹²³ Ine ningamanya kukuphalira iwe, sono, iwe ndiwe Mukhristu, enya, bwana, chifukwa iwe uli na—a—a—mzimu wakuzomerezga ukunjenjema makora. Ndipo, iyo, iyo ndi wakugomezga. Iyo ndi Mukhristu. Ndipo iwe ukusuzgika

na kaŵiro ka manjenje ako kakukupasa iwe suzgo la munthumbo. Ndi unenesko uwo? [M'bale wakuti, "Uwo mbunenesko."—Munozgi] Mukuwona? Mukuwona? Sono, icho ndi ndendende. Ndachita uli icho? Kasi ine nanguchimanya uli icho? Vingachitika uli mu charu kuti ine ndichimanye icho? Ise tiri kuwonanapo yayi yumoza na munyake nakale. Uwo mbunenesko. Ndi nthaura yayi? ["Uwo mbunenesko."] Panyake Iyo wakuphalirenge chinyake cha kukhwaskana na wamwene. Ine ndikuphalirenge iwe. Apa pali chinyake. Ine nkhuwona mwanakazi kufupi na iwe. Iyo wali na iwe. Ndi muwoli wako. Iyo wakukhumbikwa wowwiri unyake, nayoso. Enya, bwana. Iwe ukugomezga Chiuta wangandiphalira ine pano icho chasuzga na muwoli wako? ["Ine nkhumanya Iyo wangachita."] Viri makora, bwana. Iyo wali na suzgo la mtima, vyakuŵinya. Uwo mbunenesko. Ndi nthaura yayi? Manjenje, naghoso. Enya, bwana. Sono, iwe nthu ukufuma mu msumba uwu. Iwe ukuruta nthowa *iyi* para iwe ukuruta kunyumba, ukuruta ku Cincinnati. Uwo mbunenesko. Iwe ukufuma ku Cincinnati, Ohio. Zina lako ndiwe Milliken. Werera, rutanga kunyumba, ukachizgike. Fumu yikutumbikenge ndipo iwe uchirenge, iwe na muwoli wako. Chiuta wakatumbike iwe.

Zanga, bwana. Iwe ukugomezga? Sono uŵe waka na chipulikano. Kukayika yayi.

¹²⁴ Sono khalani nkhanira mwantchindi. Waliyose sono wakhale waka nkhanira mwantchindi, khalani chete. Wonani, Mzimu Mutuŵa ngwasoni chomene. Kasi mbalinga ŵakumanya icho? Ngwasoni waka chomene, Mzimu Mutuŵa, wonani, kutimbanizga kuchoko kulikose kukumukwenyerezga Iyo.

¹²⁵ Kwakulingana na madokotala, iwe ukwenera kufwa mwasonosono, na suzgo la mtima. Uwo mbunenesko. Iwe wafika kuno kufuma ku Chicago, Mr. Mosley. Zina lako lakudankha ndi Theodore. Iwe ukumugomezga Chiuta? [M'bale wakuti, "Enya."—Munozgi] Nthaura rutanga kunyumba ndipo ukakhale wamoyo, mu Zina la Yesu Khristu, ndipo ukaŵe makora. Chiuta wakatumbike iwe.

¹²⁶ Iwe ukumugomezga Chiuta? [Mlongosi wakuti, "Nadi nkhuomezga. Enya, bwana."—Munozgi] Iwe uli na suzgo mu rundi lako. Iwe ukufuma kuwaro kwa tawuni, naweso. Iwe ukufuma ku Owensboro, Kentucky. Zina lako ndiwe Mrs. Lamb. Rutanga kunyumba ndipo ukaŵe makora.

¹²⁷ Dona wakhala nkhanira uko, nayoso wakufuma ku Owensboro. Uli na chitufya pa bere lako apa. Ukwenera kuti ŵakakupange oparesoni, namachero. Rutanga, gomezga, ndipo ukhalenge wamoyo.

¹²⁸ Kasi iwe ukugomezga, bwana? [M'bale wakuti, "Enya, ine nkhuomezga."—Munozgi] Ise ndise ŵalendo kwa yumoza na munyake. Zina lako ndiwe Mr. Gilmore. Uwo mbunenesko. Iwe

ukufuma ku Anderson, Indiana, uko kuli chakuchitika chikuru cha Mpingo wa Chiuta. Uwo mbunenesko. Iwe wayimilira apa chifukwa cha mwana wako msungwana ngwakukomwa kulwandi. Iyo wachita sazi kulwandi. Iwe ukugomezga? Ntheura rutanga kunyumba ndipo ukamusange iyo umo iwe ukugomezgera. Viri makora. Chiuta wakutumbike iwe. Uwe na chipulikano. Gomezga.

¹²⁹ Iwe ukugomezga na mtima wako wose, bwana? [M'bale wakuti, "Enya, bwana."—Munozgi] Iwe ukufuma ku Indianapolis. Iwe ndiwe mupharazgi wa Ivangeli. Uyo ndi muwoli wako. U-huh. Iyo wakusuzgika nayoso. Iyo wali na suzgo mu chigolimi. Dokotala...Wali na suzgo la mtima; manjenje pachoko. Ine nkhuwona kuti iyo ngwakumang'wa makutu. Kasi...Zanga kuno.

Iwe mzimu wakumang'wa makutu, mu Zina la Yesu Khristu, ine nkukulangura iwe mwa Chiuta wamoyo, fumamo mu mwanakazi.

Sono iwe ungamanya kundipulika makora ine sono. Mose mwaŵiri mungamanya kuruta kunyumba ndipo mukaŵe makora. Rutanga ku nyumba yako. Iwe ndipulike ine, ndipo iwe uli makora. Iwe uŵenge makora.

¹³⁰ Iwe ukugomezga na mtima wako wose? Uwe waka na chipulikano mwa Chiuta. Gomezga.

¹³¹ Kuphwanya marundi kwakale na vinthu ndi chinthu chakofya chomene. Iwe ukugomezga kuti Chiuta wakuchizenge? Ntheura yenda jumpha nkhanira uko. Rutanga kunyumba, ukurumba Zina Lake, kuti, "Nkhumuwongani Imwe, Fumu Yesu wakutemweka."

Chifukwa icho ine nanguchikorera mwaluŵiro chomene icho, mwanakazi uyu wanguŵa na chinthu chantheuraso, kuphwanya marundi.

Iwe ukugomezga kuti Chiuta wakuchizenge iwe? [M'bale wakuti, "Enya."—Munozgi] Viri makora, bwana. Ntheura yenda waka jumpha nkhanira uko, ndipo yowoya, "Nkhumuwongani Imwe, Fumu Yesu," ndipo rutanga kunyumba.

¹³² Viri makora, mlongosi, ng'anamuka waka ndipo rutanga, na kugomezga. Iwe ukomira mu makongono ghako, ndicho uliri kuno, na suzgo lako la mtima, na vinyake ntheura. Ng'anamuka waka ndipo weranga kunyumba, yowoya, "Nkhumuwongani Imwe, Fumu Yesu," ndipo ukaŵe makora. Gomezga na chose icho chiri mwa iwe.

¹³³ Iwe ukugomezga? Mukuti uli kuwaro uko, ŵanthu ŵanji ŵa imwe, imwe mukugomezga?

¹³⁴ Dona muchoko wakhala uko, wa mutu-ufipa, wali na vizirisi, iwe ukugomezga kuti Chiuta wakuchizenge? Iwe ukuzomera ichi? Viri makora. Usange iwe ukukhumba, Iyo wachitenge ichi.

¹³⁵ Apa pakhala mupharazgi, wakhala uku, wakukhumba kwenda kufupi na Chiuta. Ndiwe yayi, bwana? Iwe ukugomezga Chiuta wakuchitirenge ichi? Kwezga muchanya woko lako ndipo yowoya, “Ine nkhezomera ichi.” U-huh.

¹³⁶ Dona uyu wakhala uku, wakhizga woko lake pasi. Iyo wali na suzgo lauzimu ndilo iyo wakughanaghana. Uwo mbunenesko.

¹³⁷ Apa pali dona muchoko uku, wakumanya yayi usange iyo waŵenge nayo mwana wake. Uwo mbunenesko. Iwe uli kuŵamo mu umoza wa maungano ghane. Ine nkhakulayizga iwe, mwa Chiuta, bonda. Nkhachita yayi ine? Viri makora. Ntheura rutanga kunyumba ndipo ukaŵe nayo uyu. Reka kwenjerwa na ichi munthowa yiriyoze.

¹³⁸ Kasi imwe mukugomezga na mtima winu wose, imwe mose? Waliyose wa imwe wakugomezga? Mbewu ya Abraham yizamkutora chipata, chipata cha murwani. Kasi ndimwe Mbewu ya Abraham, mwa Yesu Khristu? Kwezgani muchanya mawoko ghinu usange imwe ndimwe.

Ntheura ŵika mawoko ghako pa muzengezgani wako, pa muzengezgani wako, pa yumoza na munyake. Ŵika mawoko ghako pa yumoza na munyake. Torani chipata sono. Ichi ntchinu. Ichi ntcha imwe. “Lurombo la chipulikano liponoskenge murwari. Chiuta wazamkuŵawuska iwo.” Viri makora, rombani munthowa yinu mwaŵene. Rombani umo imwe mukuchitira ku tchalitchi kwinu. Romberani ŵanthu awo ŵali na imwe sono. Ŵikani mawoko ghinu pa yumoza na munyake ndipo rombani.

¹³⁹ Fumu Yesu, ise tikwiza mu likuru lira, Zina Lankhongono la Mbewu Yaufumu, Mbewu ya Abraham, uyo wakalayizgika kwa Imwe pa phiri uko Imwe mukapereka mwanamberere; ndipo mukaŵika mwanamberere yura mu mapopa, chinthu chakuziziswa, chimozi umu Imwe mukachitira ŵabenga ŵara, mayiro.

Ine nkhuromba, O Fumu Chiuta, kuti Imwe mutumenge Nkhongono, chipulikano. Ndipo zomerezgani Mbewu yiriyoze... Ine nkhumanya iwo ŵachitenge, Fumu, chifukwa Imwe mukati, “Mbewu ya Abraham.” Ndipo usange ŵali kuŵamo ŵanji muno awo ŵakhala ŵakujikhungurufya kuti ndi Mbewu, ndipo ndi Mbewu yayi, ŵagowokereni iwo chifukwa cha kukhumba kwawo muno, panji kujikhungurufya. Ndipo nkhuromba Mzimu Mutuŵa sono wakhazike waka uzima wawo pa moto na chipulikano chamoyo. Zomerezgani Mzimu Mutuŵa wanjire mu mtima uliwose na kuchizga waliyose muno. Iwo ŵaŵika mawoko ghawo pa yumoza na munyake.

Mbewu Yaufumu yikati, “Vimanyikwiro ivi viŵarondezgenge ŵeneawo ŵakugomezga. Usange iwo ŵaŵika mawoko pa ŵarwari, iwo ŵachirenge.” Ndipo Yumoza Mweneuyo wakapanga phangano wali pano sono nthena, kujiwoneskanga Iyomwene kuti Iyo wali pano. Muli

Mbewu yaŵikana mawoko ghawo pa yumoza na munyake. “Vimanyikwiro ivi viŵarondezgenge ŵeneawo ŵakugomezga.” Nkhuromba Mzimu Mutuŵa wayende mu lirilose la mawoko ghawo, kunjira mu mitima ya ŵanthu, kunjira mu mathupi, ndipo wachizge waliyose uyo wali mu Kuŵapo Kwauzimu. Perekani ichi, Fumu.

Ine nkhumuchenyā devulu. Ine nkhu Cheneyā kuwura kugomezga kose. Ine nkhu Cheneyā mzimu uliwose uheni. Ine nkhu Cheneyā wakujikhungurufya waliyose. Ine nkhu Cheneyā chirichose icho ntchakususkana na Mazgu gha Chiuta. Ndipo zomerezgani Mzimu Mutuŵa watore malo Ghake mu mtima wa ŵanthu, sono nthena, kwizira mu chipulikano. Nkhuromba urwari uliwose na nthenda yiriyose, kukomwa kulikose kuŵareke ŵanthu, mu Zina la Yesu Khristu. Amen.

¹⁴⁰ Sono, Mbewu ya Abraham, imwe ŵa mphapu yaufumu, imwe ŵa phangano, mwa uchizi na kovwirika na Chiuta, kasi mbalinga ŵa imwe mungakwezga woko linu, yowoyani, “Ine ndapokera icho ine nanguromba.” Namuwongani imwe. Ndicho ichi. Icho ndicho phangano liri kuŵirako. Icho ndicho phangano liri kuperekekerā, mwakuti imwe mungamanya kuŵa muhaliri wa vinthu vyose, mwa Yesu Khristu uyo wakamuponoskani imwe. Iyo wakamuponoskani imwe ku kwananga. Iyo wakamuponoskani imwe ku urwari. Iyo wakamuponoskani imwe ku nyifwa. Iyo wakamuponoskani imwe ku gehena. Iyo wakamuponoskani imwe mu dindi.

¹⁴¹ Imwe mukuti, “M’bale Branham, kweni ise tose tikuruta mu dindi.” Kweni dindi lingatisungilira yayi ise. Iyo wakaruta ku ili, nayoso, kweni ili likamusungilira yayi Iyo. Nadi. Ili lingamusungilira yayi Iyo.

¹⁴² “Enya, M’bale Branham, ine nkhu yezgeka chomene.” Iyo wakayezgeka, nayoso. Kweni Iyo wakakuponoska iwe ku kuyezgeka.

¹⁴³ “Mungatirongozgeranga ise mu kuyezgeka, kweni mutithaske ku uheni.” Wonani, Iyo wali kuchita ichi. Ichi chose ntchinu. Chirichose ntchinu, kwizira mwa Yesu Khristu. Iyo wakumupani chirichose, kwaulere. Kulije malipiro ku ichi, nesi chirichose. Ichi ntchinu sono nthena. Kasi ndimwe ŵakukondwa yayi za ichi? Kasi ndimwe ŵakukondwa yayi chifukwa cha Iyo? Viwongo virute kwa Chiuta.

¹⁴⁴ Sono, kuŵenge visopo, uwu, usiku uwu. Enya. Ndi usiku uwu, seveni-sate usiku uwu. Ine ndiphalirenge mliska kuti wamuphalireni imwe. Zaningē. Zaningē.

Sono, pa Sabata yikwiza mlenji, para Fumu yiweme yazomerezga, ine ndizamkwiza kuzakarombera ŵarwari, pa kachisi, panji kulikose.



KUTORA VIPATA VYA MURWANI CTK59-1108
(Possessing The Enemy's Gates)

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata mlenji, Novembara 8, 1959, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org